

140/3
1955

საქართველოს
საბავშვო ჟურნალი



ქველი

№ 9
საბავშვო
1955



საქართველოს ნორჩ მოგზაურთა შეკრებაზე, რომელიც 15 აგვისტოდან 19 აგვისტომდე მიმდინარეობდა ბორჯომ-პარკში, სტუმრად იყვნენ პიონერები მოძმე რესპუბლიკებიდან. სურათზე: ნორჩი მოგზაურები: ქართველი ღამარა ფაცაცია, აზერბაიჯანელი ირა რზაევა, ლატვიელი მარტინ შკუპალაისი და სომეხი პერჩუი ავაკიანი საინტერესო ამბებს მოუთხრობენ ერთმანეთს.

ფოტო გ. ვახტანგაძისა



6904



ს ი მ დ ე რ ა ს კ ო ლ ა ზ ე

მოვალთ, მოგვცემა სიმღერა
ჩვენი მთების და ველებს.
გულებს გვინათებს მზისფერად
ელვარე ყელსახვევები.

მოვალთ! წკრიალებს, დუღუნებს,
ბუბუნებს ზარი მრავალი
და ერთხმად დაიგუგუნებს
მთა, ხეობა და ტრამალი.

ჰა, სკოლაც. აგერ კარები,
გახსნილი, გახარებული,

აგერ სარკმელთა თვალები
ჩვენს ცქერას დახარბებული.

მოვედით, მოგვცემა ძალღონე
დაულაღვი სწავლისა.
ჩვენი სიმღერა მთაგორებს
ედება, როგორც ზარის ხმა, —

ზარის ხმა მომწოდებელი,
გამხსენებელი ვალისა,
რომ უნდა გავხდეთ მჭედელი,
ლამაზი მომავლისა.

ალექსი შენგულია





ლალ ბრალდებით

ნახ. ალ. ბანძელაძისა

შ ე რ ი ბ ე ბ ა

ქაჯიან ხევს რომ გაივლი და გასცდები ნიაურს, სატალის წვერზე ახვალ და შედგები. აუცილებლად შედგები, თუნდაც არ გინდოდეს შედგები და მერე ჩამოჯდები კიდევაც, რათა დასტკებ შენს თვალწინ გადაშლილი სანახაობით.

გარშემო აზურმუხტებული საძოვრებია, ზურგსუკან პირქუშად გამომზირალი შავი კლდე, ასწლოვანი ტყეები, ჩხრიალა ნაკადულები — ცივი, ისე ცივი რომ, თუ გაუჯიქდი და ზედმეტი მოსვი, კბილებს დაგაძრობს.

მარცხნივ ხუჭუჭა ტყით დაფარული, ერთიმეორის გასწვრივ გადაჭიმული და დატოტვილი ქედები, უზარმაზარი ქვიშისფერი კლდეები, — მდინარე თურდოს სათავეები, მარჯვნივ — ფშაველების სოფელი რუსიანი, ხოლო შორს — ბურუსში თეთრად მოლივლივე გომბორი.

წინ ვეება სვეტიცხე თხილამურის კლდე, რომელზედაც აყრილი მუხიანი ისე მოჩანს, თითქოს თავზე ყალმუხის ქუდი წამოუდღვიაო. იმას იქით ყანებში ჩაფლულა ხევსურთა პატარა სოფელი ვერონა. თეთრწყლებიდან გომბორამდე დაცემულა მწვანე ველი, რომელზედაც გაფანტულან აქოჩრილი ტყეები, ხოლო მათ შორის თელავიდან თბილისში მიმავალი თეთრი გზა, დაკლაკნილა, ზედ ფერად-ფერადი ხოჭოებივით მლოდავი მსუბუქი და მძიმე მანქანებით.

მზე ბლუჯა-ბლუჯა ყრის მთებს იქიდან ბაჯალლო სხივებს. იალაოზე შეთენილი ნახირი მაინანად მისძოვს ნოყიერ ბალახს. ბღავიან თეთრწითელი და ჭრელჭრელი ძროხები, ბუბუნებენ და რქებით მიწას ჩხვრენ ცხვირში რგოლგაყრილი ბულები, დაქიხვინებენ გაუხედნავი ულაყები, დაკუნტრუმობენ ჩალისფერი და ქურანა კვიცები, დახტიან თვალეზბრიალა ხბორები და სიხარულით ყოყინებენ გიშრიბეწვა ზაქები.

თედოც შეუსევს თუ არა თავის ხბორებს მსუყე ფერდობს, წამოჯდება გადასახელზე და საღამომდე ვერ ძლება იქაურობის ცქერით.

ეს ერთი კვირაა რაც სატალეში ამოვიდა თედო და ფერმის გამგემ მთელი წვრილფეხობა ჩააბარა მოსაველელად. შარშანაც ხბო-ზაქი ჰყავდა გაპიროვნებული და მთელი ზაფხულის განმავლობაში ორმოცდახუთი შრომადლე გამოიმუშავა. წელსაც გაახარებს დედას შრომადლეებით.

მეორე წელია, რაც თავის მეზობელს მოსდევს ფერმაში და კეთილი ბრიგადირიც ბიჭს ყურადღებას არ აკლებს. ფერმის გამგემ კი მშვენიერი, ახალი ნაბადი მისცა და თედოც დარში თუ ავდარში სიამოვნებით დაატარებს ყველგან გრძელი კალთების თრევით.

პატარა ხანჯალი თვითონ წამოიღო სახლიდან და ახლა ერთი ბანჯგვლიანი წოწოლა ქუდი-ლააკლია, თორემ ნამდვილი მწყემსია. ქალამნების ამოსხმა თვითონ იცის და კავკომბალს გამოსკრის ისეთს, რომ თვალი ზედ დარჩებათ უფროსებს. უადრესად კეთილი ბიჭია თედო, წყნარი და გამგონი. ტანად კი, როგორც სოფლელები ამბობენ, მამასა ჰგავს, რომელმაც, თურმე მარტომ ამოიტანა რიყიდან ის დიდი ქვა, ახლა რომ კარების ძირში დაატანეს ახალი კლუბის შენობას.

დადის თედო ქამარში გაჩრილი წიგნით და თავის ნახირს ახლა უკვე მისთვის განკუთვნილ საძოვარზე დაატარებს, რომელიც ფერმის გამგემ საგანგებოდ გამოიყო ხბო-ზაქს, რათა ბიჭმა ბევრი ყიალით არ იწვლოს.

დღემდე ისე მიიხვია თავისი სამწყსო, რომ თავიანთი სახელის გაგონებაზე კუნტრუმით მობრბიან ხბორები, პატარა მწყემსს ხელებს ულოკავენ და პაწაწინა რქებით ებუჩავენბიან. განსაკუთრებით ის წითელი ხბო უყვარს თედოს, ზურგი-

დან მოყოლებული სიჭრელე რომ ჩასდევს მუც-
ლამდე. დაინახავს თუ არა „ჯონქა“ ჩაცუტულ
ბიჭს, გამოქანდება და თავდაღუნული დაეჯახე-
ბა სახის წინ აღმართულ ხელის გულებზე. მწყემ-
სი ყირამალა გადადის და ხბოც კმაყოფილი უც-
დის მის წამოდგომას, რათა კვლავ გაიმეოროს
დარტყმა. „ზორბა ხარი დადგება“, — ასკვნის
ბიჭი და აწყენარებს აღვზნებულს.

გაივლის დღე და საღამოს, როცა ძროხა მოიწ-
ველება და ყველა სამუშაო მთავრდება, როცა სა-
ტალის წვერზე შემდგარი მთვარე ვერცხლისფერი
მუქით დაფერავს იალალსა და ტყეებს, როცა
ჩანგლიანი ძაღლები ნაწილი ბაიებს მიუწვება და
ნაწილი ახლო-მახლო წვრილიანში დაეხეტება —
უყეფს ტოტიდან ტოტზე მხტუნავ ციყვებსა და
ღრენით აცილებს აცილებულ მიკიოტს — ცეცხ-
ლის პირას, გემრიელი ვახშმის შემდეგ, გადავლენ
ფერადი ზღაპრების ქვეყანაში და თედოც თვა-
ლებგაფართოებული ისმენს უსიერ ტყეებში მზე-
ჭაბუკის მძიმე ნაბიჯებს და შორეული მთების
ორწოხებში აბორგებული ამირანის გრგვიწვას.

ზოგჯერ თვითონ მწყემსები მოსთხოვენ და
ბიჭიც ხალისით გადაშლის რომელიმე წიგნს, ან
ბარიდან ამოტანილ ახალ გაზეთს... მწყემსები
სიყვარულით მოუთათუნებენ ბეჭებზე ხელს და-
ძინების წინ და შეაქებენ ხალისისა და შრომის-
მოყვარეობისათვის.

* * *

ასე მიდის დღეები, ასე მიდიოდა დღემდე, მაგ-
რამ დღეს დიდი უსიამოვნება შეხვდა და ეწყინა
მორჩილსა და გამგონე ბიჭს.

შუადღის ხანს ამოვიდა ბინაში მისი თანაკლ-
ასელი და ჩხუბისთავი „ყაპყაპა“. ამოვიდა და მა-
შინვე მამას მიუხტა.

— შენ რა, წელს ისევ იმას ჩააბარე ხბორები?
ფერმის გამგე განცვიფრდა.

— დაჯექი, დაისვენე, შვილო. რა ხბორები,
რას ამბობ?

— რასა და იმას ვამბობ, რომ ისევ იმას მიეცი
ხბო-ზაქი — მეთქი?

— რა მოხდა მერე, შვილო? შარშან მშვენივ-
რად დაასუქა და წელსაც კარგად ურჩევდა სა-
ძოვრებს, სანამ მე თვითონ არ მივეცი ტყისპირა
მინდორზე ყორული.

— ყორული მისცა, ყორული მისცა! მე რამდენი
გეხვეწე შარშან და არ მომეცი! დახე, რომ წელ-
საც ამომასწრო! ეგ უენო, ეგა! მაგისგან რა მწყემ-
სი უნდა გამოვიდეს? ახლავე უთხარ, — თავი და-
ანებოს, თორემ, თუ ჩავედი, სულ ცხვირ-პირს
დავალეწავ.

გაწყრა ფერმის გამგე:
— შენ აქ იჯექი და ფეხი არ მოიცვალო, არც
ხმა გასცე! — მერე დაუყვავა. — რა გინდა, შვი-
ლო. ბიჭი ისედაც დაჩაგრულია უმამობით და შე-
ნი ჩხუბის თავი აქვს? ისეთი ჭკვიანია, რომ ორ
სიტყვას ზედიზედ არ იტყვის. გაუშვი სდიოს,
რას ერჩი?

— არა, მამი, ამას ვეღარ მოვუთმენს
იცოდა, რომ მე უნდა ამოვსულიყავ აქ და ნაწი-
ც ვაეპოტინა.

— ნუ შვილო, ნუ, აბა რა გაჯავრებს? გაუშვი
ორიოდე. შრომადღე მაგანაც გააკეთოს.

— ფერმის გამგე შენა ხარ და გინდა წაართმევ,
გინდა მისცემ. ამოვიდა აქ რძე-მაწონის სათქვეფ-
ლად! წავიდეს და იმუშაოს ვენახში. შარშან მა-
გისმა დედამ მარტო პრემია ოთხასი კილო ყურ-
ძენი მიიღო თავისი ნაკვეთიდან. წავიდეს და იქ
იმუშაოს.

ფერმის გამგე არ დაეთანხმა.

— არა შვილო, იქ საბალო საქმე არა არის რა,
ხოლო თუ არ დაგიშლია, წადი შენცა და ერთადა
მწყემსეთ ორივემ.

— ოჰო! ყელზე დაადგება! მე კუღში ვდიო ბო-
ჩოლებს და მაგან შრომადღეები დაიწეროს?

— აბა, მამ, რა გიყო, შვილო? აი, თუ გინდა,
ნახირში გაჰყე ხოლმე ბაზერაანთ ლადუას, ან კი-
დევ ჯოგში წაგიყვანს ნაცარაანთ თამაზა...

— მე არც ჯოგი მინდა და არც ნახირი, მე რა-
საც გეუბნები, შენ ის გააკეთე.

ფერმის გამგემ ფრთხილად ჯოხი აიღო და ყვე-
ლის საკეთებელ ფიცართან მოფუსფუსე ბრიგა-
დირს მიუბრუნდა.

— მე რუისპირელების ბინაში გადავალ და
დვრიტას გადმოვიტან, თორემ გაგვითავდა და,
სანამ იყალთოდან ამოვიტანთ, ყველს რითი გავა-
კეთებთ?

ბრიგადირი წელში გაიშალა და იდაყვზევით
დამკლავებული, ხშირბალნიანი მაჯით შუბლი და
თვალეები მოიწმინდა.

— რა გეჩქარება? დვრიტა ხვალაც გვეყოფა



— შენ აქ იჯექი და ფეხი არ მოიცვალო, არც ხმა გასცე!

და, თუ ძალიან გაჭირდა, სოკოთი ჩავადედოთ. ხევსურები ზოგჯერ ხმარობენ სადედოთ.

— სამაგისო რა გვჭირს, რომ სოკოთი ვადედოთ დელამა? იმით ნაკეთები ყველი სურნელებასა და გემოს ისეთს ვერ იღებს, როგორც დვრიტით. სალამოდე დავბრუნდები. ეს ჯეელი კი იმ ბიჭთან არ გაუშვა, არა მოსწიოს რა.

— წადი, შენ არხინად იყავ. ეს ისეთი ბიჭი კი არ არის! არა უშანგ? ჰე, ბალები ხართ და სულ ფეხის ფრჩხილებზე დგახართ.

და როცა ფერმის გამგე ტყეში შეერია, უშანგი წამოდგა და ჯოხი აიღო.

— სად მიხვალ? — თავი ასწია კასრების რეცხვაში გართულმა ბრიგადირმა.

— არსად, ქვევით მინდა ჩავიარო.

— სად ქვევით? დაჯექ და წიგნი წაიკითხე.

— ი, სკოლაშიაც მიყოფა წიგნის კითხვა და ჩიჩინი.

— დაჯექ-მეთქი, ბიჭო! დაჯექ და, თუ წიგნის კითხვა გეზარება, კასრების რეცხვაში მომეხმარე.

— ეგლა მაკლია! „დაჯექი და რეცხე!“ მე აქ მაგისტვის კი არ ამოვსულვარ. უნდა გავიარო, მუხლი გავმართო და ტვინი დავასვენო. წიგნი წაუკითხე და ჭურჭელი დაურეცხე! შენ იქნება შილაფლავის გაკეთებაც დამავალო.

— შენ არავინ არაფერს გავალებს, ბიჭო. აი, დაჯექ და მამაშენს დაუცადე. მოვა და მერე სადაც გინდა წადი.

— სანამ მამაჩემი მოვა, თვალთან თითს ვეღარ მიიტან, ისე ჩამობნელდება.

— შენც ადექ და ხვალ დაათვალიერე ყველაფერი. სუფთა ჰაერი აქაც არი.

— ახლა შენ ქოხში დამაბამ კიდეც, განა!

— მაშ თუ აგრე გინდა გავლა, წყალი ამომიტანე ხევიდან. მაგრამ დაიცა, ერთად წავიდეთ... გადი იქით, აღმას! ტყუილად ემზირები! აგე, შრატის დალიე თუ გინდა... აჰა, ეს სურა და წავიდეთ... რძეს პირი არ ახლო აღმას!

წყალი ამოიტანეს. უშანგამ რაკი დაატყო არც ხვეწნით გამოვა რამეო, ბედს დაემორჩილა. ჩამოჯდა და თაროდან აღებულ წიგნს დაუწყო ფურცვლა.

— აგრე შვილო. დაჯექ, და როცა მამაშენი მოვა, გაუტეე სადაც გინდა. ჰაი, რა ხართ ბალები! ერთ ადგილზე კაცი ვერ გაგაჩერებთ, — სულ დარბიხართ, დანტიხართ და ქვეყანას იკლებთ ჭყვილით. რა გინდათ, შვილო, მეტი? ყველაფერი თქვენთვისა კეთდება და თხზივ კუთხივაც გზა გაქვთ იახსნილი. ეიჰ! მეც ბალები ვიყავი. ჰაი, ჰაი, რომ ვიყავი, მაგრამ მოჯამაგირედ ვიდექ ნახირში და, რასაც ნახირის პატრონი მეტყობდა, კანონიც ის იყო. სად წახვიდოდი და ფეხს სად გადაადგამდი? ბაღს დღეობაში წასვლა მენატრებოდა და სანამ ცხრამეტი წლისა არ გავხდი, თელავი არ მენახა. ახლა კი, თქვენი ტოლები ქალაქში ჩადიან და ამოდინან. აი, ბალებოთა თქვენ უნდა დაიკვიხოთ, მე ვინ მაჩვენებდა კინოსა და წარმოდგენას? დღე და ღამე ნახირში ვეგდე და ქუმელსა ვზელავდი ცივ წყალში. ჰე, ჰე! რა

დრო გაქვთ ბალებო! ბიჭა ბატყნებიც დასცხნა ხართ და არ იცით დარდი რასა ჰქვიან ქვეყანაზე. აი, მაგალითად... ეგ გამშრალი პარკი მომაწოდე. მაგალითად, იმას გეუბნებოდი რომა... შენ არ გესმის პარკი მომაწოდე-მეთქი?!

მოხუცებულმა ბრიგადირმა ყველის კეთებას თავი ანება და, როცა ზევით აიხედა, განცვიფრდა. უშანგი არსად ჩანდა.

— სად ეშმაკებში წაეხირა?

ბრიგადირმა ქოხს შემოუარა, მერე ტყის პირსაც გახედა, მაგრამ ბიჭი არსად ჩანდა.

* * *

შუადღის შემდეგ ამინდი ძალიან შეიცვალა. თედომ ქორიასთან თამაშს თავი მიანება და ნაბაღი მოიხურა ბექებზე.

ნელნელა დედებოდა და სქელდებოდა ნისლი. ტყიანიდან ყორულზე მოიპარებოდა და ნაცრისფერ ბურუსში ჰხვევდა იქაურობას. ამ დროს იცის ნადირმა დატანება: ტყიანიდან გამოვა, ნისლს ისაფრებს და მერე მშვიდობით!

თედომ იცის ესა და ამიტომ წამოდგა.

— წავიდეთ, ქორი!

ტყის პირას მისულმა თედომ შუა ყორულებისკენ გარეკა ხბორები, ხოლო თვითონ გამოცდილი მწყემსივით დაუდგა ტყის მხრიდან და გრძელ კომბალს დაეყრდნო. თვალი კარგი ჰქონდა და ბურუსშიც არჩევდა თავის სამწყსოს. მიიძოვდნენ ხბორები და ისმოდა ბალახის წიწვნის ხმა.

უეცრად ძალი წამოვარდა ღრენით და ნისლებში შევარდა. გაისმა ყვირილი და ძალიც მიუყუჩდა.

თედომ იგრძნო, რომ მხრებზე რაღაც დაახტა, და პირქვე დაეცა. დაბნეულმა ხელი უნებლიედ იქით წაიღო, სადაც ჩვეულებრივ ხანჯალი ეკიდა. ხანჯალი არსად ჩანდა. მაშინ წამოვარდა ფეხზე და გრძელი კომბალი ზევით შეაქნია. შეაქნია და ჰაერშივე გაუშეშდა.

მის წინ თმახუტუტა ბიჭი იღგა და მის ნაბაღს მხრებზე ისხამდა.

— მოიტა ეგ კომბალიც, შე ჩანჩურავ, შენა!

თედომ კომბალი დაბლა დაუშვა და ღიმილით წაილაპარაკა.

— შენა ხარ, უშანგ? მე მეგონა ფოცხვერი დამაცხრა-მეთქი. როდის ამოხვედი?

— შენი საქმე არ არი როდის ამოვალ, სად მივალ და სად მოვალ. მომეცი აქ კომბალი.

თედო იღიმებოდა.

— კომბალი? რად გინდა კომბალი? თუმცა, აჰა, წაილე, მე სხვას გამოვჭრი. ოღონდ, აი, ნახადი მომეცი... შენ პალტოც გაცვია და ეგ რაღად გინდა?

უშანგმა გამოწვდილი კომბალი ჩამოართვა.

— აგრე! ახლა კი მოუსვი აქედან და დილაზე არც ქოხში დამენახო.

თედო განცვიფრდა.

— რად უნდა წავიდე? მე აქ ხბორებს ვუდგევარ!

უშანგმა თვალები დააბრიალა:
— გუზუნებიან წადიო და მამასადამე, უნდა წახვიდე! ხბორებს უშენოდაც მოუვლიან. მამა-ჩემთან ხმა-კრინტი არ დაძრა, თორემ ისე გაგიხდი მაგ ცხვირს, რომ დედაშენიც ვეღარ გიცნობს. წადი ახლა აქედან! დილაზე კი აიკარ გუდა-ნაბადი. მამაჩემს უთხარ, რომ აქ უკვე მოგბეზრდა და გული ახლა შინ მიგიწევს.

თედომ ისევ სცადა გაღიმება.
— კარგი ახლა, მომეცი ნაბადი.
— შენ რა, ქართული არ გესმის?
— ხბორებს როგორ დავანებო თავი?
— შენ ხბორებს არავინ არ გეკითხება, უშენოდაც იოლას წავლენ.
— როგორ თუ იოლას? ხბორები ჩემზეა გაბიროვნებული!
— დღეიდან აღარ იქნება. მამაჩემს ვეტყვი და ამ სალამოსვე ჩემზე გავაპიროვნებინებ.

თედოს თვალებზე ცრემლი მოადგა. თვალწინ წარმოუდგა შარშანდელი ზაფხული, საკოლმეურნეო წიგნაკში ჩაწერილი შრომადღეები, შეჩვეული ხბორები და დაენანა მათი დატოვება; დაენანა და შეემუდარა ნაბდიანს:—კარგი, უშანგ, გქონდეს ნაბადიცა და კომბალიც, ჩემთვის სხვა კომბალს ვავთლი და ორივემ ვმწყემსოთ საქონელი.

— არ იქნება, ხბორებს ორი კაცი არა სჭირდება.

— სულ დავიჭრელებ კომბლის ტარს და კავსაც ვაგვიკეთებ.

— არ იქნება-მეთქი, ვერ გაიგე? მომშორდი ახლა!

— ხბორები ცოდონი არიან ბიჭო.

— ახლა აქაც დამიწყე ჭკუის სწავლება? ამ წინაზე არ იყო, რაზმის შეკრებაზე რაები არ დამლაშე? შენს მეტმა ის ზამბარა არავინაც არ დანახა. შენ მოაწვევინე შეკრება და შენვე გააჯორინე მოსწავლეებს ჩემი თავი.

— ჩემი რომ ყოფილიყო, ხმას არ ამოვიღებდი, მაგრამ ზამბარა სკოლას ეკუთვნოდა და საერთოსთან რა ხელი მაქვს?

— რა ხელი მაქვს? ჰა, მაშ რა ხელი მაქვს? აი, თუ არა მაქვს, შე ნაცარქეჩიავ, შენა! აი, თუ არა მაქვს!

და თედო საშინელი ბიძგებისაგან ბალახებში ჩაჯდა.

ბიჭი უმაღვე წამოდგა, მაგრამ ახლა სარმა გამოჰკრეს და ისევ მიწაზე დასცეს. თავზე წაადგა წაქცეულს ნაბდიანი, მისწვდა და ყელში წაუჭირა.

ამას კი არ მოელოდა წაქცეული. სწვდა ზევიდან მოქცეულს ხელებში და, როგორც იყო, მარწუხივით თითები მოიშორა. მაგრამ ახლა ზედ გადააწვა ნაბდიანი და საშველი აღარ მისცა.

— არც ახლა წახვალ, დაბდურო, არც ახლა წახვალ?!
ერთი წლით უფროსი იყო უშანგი. შარშან მეექვსე კლასში დარჩა და წელს რის ვაივავლახით გადავიდა მეშვიდეში... ყველა ერიდებოდა მასთან



— შენა ხარ, უშანგ? მე მეგონა ფოცხვერი დამაცხრა-მეთქი.

დავას, — მით უმეტეს თედო, მაგრამ აი, აჰა, მაინც არ ასცდა.

მაგრამ დიდხანს არ გაგრძელებულა „ბრძოლა“. ზევიდან მოქცეული ვიდაცის ძლიერმა ხელმა აიტაცა.

თედომ წამოიწია, დააკვირდა და ფერმის გამგე იცნო.

* * *

შეზინდებიდანვე დაიწყო დელგმა. მოქურუხებულმა ცამ ერთბაშად მოხსნა პირი, და წამოვიდა კოკისპირული.

ქარმა და წყალმა დაჭრია ხელი ტყესა და იალაღს.

შიშისაგან აყმუვლდნენ ძაღლები, საწყალობლად აბლავდნენ ხბორები. ქოხში ცეცხლი ჩაქრა და ჩამოწვა კუნაპეტი.

წვიმა თავისას არ იშლიდა: ასხამდა ღვართქათად და მთიდან მთაზე გაჰქონდა გრგვინვა და ქუხილი. წვიმის ხმიანობამ ყოველგვარი სხვა ხმა ჩაახშო და, სადამდისაც მისწვდა, გაუშვა თარეში.

— ავი დამეა და დიდი სიფრთხილე გემართებს ბიჭებო, — გაათრთხილა ფერმის გამგემ მწყემსები.

მთელ ღამეს იყეფებოდნენ ძაღლები და დროდადრო უტევდნენ ტყის პირისა და ქაჯიან-ხევისაკენ.

- ნადირი ეტანება, წვალობენ ძაღლები.
- უფშური ღამეა წყეული.
- ჰე-ჰე-ჰე-ჰეეე! დაიჭი, ქედან! მიდი, ცუნცული! — ძაღლები დაეშვნენ შამბიანისაკენ, ბიჭებო! აბა, გადადექ წიფელთან და გასჰყივლე, აბრი!
- ჰე-ჰე-ჰე-ჰეეე!
- ისმოდა ძაღლების გნიასი, ღრენა და ხროტინი.
- დაცალეთ თოფი, ბიჭებო, ჩხუბი აქვთ, ალბათ. დაცალეთ, თორემ ეტყობა უჭირთ!
- ჰე-ჰე-ჰე-ჰეეე! ქედან, ორუჯ, ქორიი! აქა-აქა-აქაა!
- ცუნცულას დაუძახე, ცუნცულას, ეგ გასდევს ხოლმე შორს!

ძაღლები მობრუნდნენ, მაგრამ ზოგიერთს ძაღლური გული მაინც უღრინავდა, დროგამოშვებით შედგებოდა და შამბიანისკენ პირშექცეული ისევ იყეფებოდა. ბოლოს მაინც ამოვიდნენ ზევით და ბაკების გარშემო დაყუნტდნენ.



პალტოსა და ნაბადში გახვეულ უშანგს თავი უნაგირის ბალიშზე მიედო და გატრუნულიყო.

პალტოსა და ნაბადში გახვეულ უშანგს თავი უნაგირის ბალიშზე მიედო და გატრუნულიყო. ვერაფრით ვერ მოენელებინა, რომ მამამისმა სხვისი შვილის გულისთვის კარგა რიგიანად გაწყება და უბრძანა: დილაზე ქოხი დაეტოვებინა და ისევ სოფელში ჩასულიყო.

„ჰოი, ეგ უენო ბაბაყული, ეგა! ვითონ ვაქაცობა გამოიჩინა, ისევ მე წავალ სოფელში, გაუშვი ეგ დარჩეს აქაო! ვერ უყურებ შენა! მამაჩემი რაღამ გადარია! ხბო-ხაქი შენზეა გაპიროვნებული და შენა ხარ მაგათზე პასუხისმგებელიო. არა, ეგ როგორ ირჩია ჩემ თავს? მასწავლებლებსაც აგრე „აბამს“. ფრიადოსანი გახადეს! დადის ჩუმიდ წყნარად, ვითომ ჰიანჰველასაც არ დააბიჯებს!“

დიდხანს იბურჭალა, დიდხანს იმკითხავა და ბოლოს იმ დასკვნამდე მივიდა, რომ სახლში არაფრის გულისთვისაც არ წავიდოდა. „აქ უნდა ვიყო და იმდენი ვეცადო, რომ მაგას თვითონვე ჩამოართვან და მე გადმომცენ ხბორები, მოსავლე-ლად. მაგრამ რა უნდა მოვიგონო, ისეთი რა უნდა გავაკეთო?“

მთელი ღამე თვალი არ მოხუჭა, მთელ ღამეს იბორგა და, როცა ერთი თუ ორი საათი დარჩა გათენებამდე, თვალები ჰყიტა და ფიცხლავ წამოჯდა.

ქოხში საშინელი სიბნელე იყო, მაგრამ უშანგი მაინც მიხვდა, რომ შიგ მარტო მამამისსა და თავის „მტერ-მოყვარეს“ ეძინა. ფრთხილად გაიკვლია კასრებსა და სეპარატორს შუა გზა, ნაბადი მჭიდროდ შემოიტმასნა ტანზე და თავსხმაში გავიდა...

გათენებისას უკანასკნელად მოიქნია კუდი ქარმა, უკანასკნელად წამოვიდა ზოსელას მთა-დან ქუხილი, მოახლოვდა, მოახლოვდა და ქოხს იქიდან თვალის მომჭრელი ელვითა და გულშემზარავი ჰქემით გასკდა.

გაისმა ყვირილი და რაღაცამ მიიმედ მოადინა მიწაზე ზღართან.

შეთქმულეზვით აღავლავდნენ ძაღლები და იქაურობა მოიცვა ყვირილმა.

— არიქათ, ბიჭებო! ნადირი დაეცა ხბორებს! არიქათ!

- აქეთ მოდით, აქეთ!
- არიქა, ქორი!
- მიდი, ჩობან!
- დაიჭი, ორუჯ!

გამოვარდა ქოხიდან ფერმის გამგე, იგრიალეს თოფებმა.

ბნელში წამომჯდარი უშანგი და თედო დამფრთხალ თვალებს აფეთებდნენ და ნამპინარევი ჯერაც გონზე ვერ მოსულიყვნენ.

— არიქათ მომეშველეთ, ბიჭებო! ნადირი კი არა, მეხი დაეცა წიფელს ბაკის მახლობლად და ხბორები დააფრთხო! მოდით, მომეშველეთ! ბალოს კარებში ხარხიების გაყრა დაეიწყებია და დამფრთხალი გარბიან ბაკიდან.

თითქმის ყველანი ბაკისაკენ გაიქცნენ და ძლივს შეაბრუნეს ბალანაშლილი ხბორები, რომლებიც ბრძებვით მიიწვედნენ წინ და გარეთ გაცივინას ცდილობდნენ.

ვანთიადის ბურუსში დანარჩენ მწყემსებს ბაკისკენ მოჰყავდათ ბოჩოლები, რომლებმაც მოასწრეს გარეთ გავარდნა...

დილით ქარი ჩადგა, ნისლებიც სატალის წვერს ასცილდნენ და გომბორისკენ გაცურდნენ.

სალამო ხანს დაქანცულები დაბრუნდნენ სოლიკო და ალექსა.

— მთელი ტყე-მინდორი შემოვიარეთ და კვალსაც ვერ წავაწყდით. რუისპირელებსაც ვკითხეთ და თქვეს, ფერდობი ხბო ჩვენ სულაც არა გვყავსო.

— იქნებ ბაკენელ ხევსურებს ენახოთ?

— არც იმათ უნახავთ, მთიბავები შეგვხვდნენ და ვკითხეთ.

— აბიდასტურში?

— არც იქ გამოჩნდა.

— ქორიასი რა გაიგეთ?

— არც ისა ჩანს.

— აფსუს, რა ძალი იყო! ალბათ, ხბოს გაჰყავდა და მგლის ხროვას გადააწყდნენ... კარგით, დასხედით. რა ვქნათ, თავებს ხომ არ დავიხოცავთ? დასხედით, ამ ბაღსაც დღეს ლუქმა არ ჩაუდვია პირში, დასხედით და პური ჭამეთ.

გულდამდურული თედო გაბრუნდა და ტყის შეერია, ხოლო, როცა დახშირბინდდა, მივიდა და ბოჩოლების ბაკის კარებთან მიეგდო.

— რას შვრები, შვილო, თავს რაზე იკლავ? ჭამე პური.

მაგრამ ნაბადში მოკუმშულსა და ბაკის კარისკენ პირშექცეულ თედოს გაგონებაც კი ეზარებოდა და უხმოდ წაართვა ფერმის გამგეს ნაბადის კალთა, როცა ის თავს დაადგა და ძალით სურდა წამოყენება.

— „მანუგეშებენ, ხბო რა არისო! ვაი სირცხვილო! კაცმა თავის ღვიძლ შვილს არ ანდო მოსაველეად და მე რა ვქენი! არა, სადღა უნდა გამოეყო თავი? როგორ დამავიწყდა ბაკის კარებში ხარიხების გაყრა?... ვაი, შენ ჩემო თავო, რამ გამომაჩერჩეტა, რამ გამომაყრუა? აგრე კარგი მაინც არ ყოფილიყო ის დაღუპული!“

და ბიჭმა იგრძნო როგორ მოსწყდა წამწამებს ორი ცრემლი...

* * *

დილით პირველად აბრია მივიდა ხბორების ბაკთან და ნაბადს ასწია.

— ადე, შვილო, მოდღვედა უკვე. დილით მაინც ჭამე პური, სანამ საბალახოდ გარეკავ.

ბრიგადირმა პირი დააღო და ხელი ჰაერშივე გაუშეშდა როდესაც ბაკის კართან მხოლოდ ნაბადი იპოვნა.

— ბიჭოს! — ბუტბუტებდა თავისთვის ბული მოხუცი. — ე ბაღლები ნამდვილად გადაორევენ, მე და ჩემმა ღმერთმა!

— რა იყო აბრი? — გამოეხმაურა ფერმის გამგე.

— რა იყო კი არა, აი, ნაბადი ვიპოვე და ბალი ველარ!

— რათ, ბალი არ არის მანდა?

— ანდე, ვერა ხედავ, რომ არ არი? ფერმის გამგეს პირკატა ეცა.

— რას ამბობ, აბრი?

— მართალს გეტუბნები. აი, ნაბადი აქ არი და ბალი აღარ!

— მაშ, სად უნდა წასულიყო?

— რა ვიცი, ალბათ, წყალზე თუ წავიდა პირის დასაბანად.

— რას ამბობ, კაცო, ი ბალი აქამდე პირდაუბანელი დარჩებოდა?

— აბა რა ვიცი, იქნება შემაზე წავიდა? მაგისი წალდიც არა ჩანს აქა.

— ნამდვილად შემაზე წავიდა. გიგლა, ხბორებს რა ვუყოთ?

ფერმის გამგემ მიიხედ-მოიხედა და ქოხის კარებთან ატუზული უშანგი დაინახა.

— აი, ამ დამთხვეულს გავატანოთ. მოდი აქ, ბიჭო!

უშანგი მივიდა.

— წაიყვა ეს ხბო-ზაქი და ყორულში ჩაიყვანე, სანამ ის ბიჭი მოვა შეშიდან.

უშანგმა სიხარულით გააღო ბაკის კარები...

შუადღისასაც არ გამოჩნდა თედო. ხოლო, როცა სალამო ხანზე ძროხა მოწველეს და ხბორებიც ბაკში შერეკეს, ფერმის გამგე უკვე გრგვინავდა:

— მაგისი ბრაღია, მაგ არდასაცალებლისა! მაგას რომ არ ეცემნა, ის ბალი აქედან არ წავიდოდა!

არც ნავახშმევს გამოჩნდა თედო და ახლა კი ყველა დარწმუნდა, რომ ბიჭი სოფელში წავიდა.

— სად არის შოლტი? მომეცით აქა! მომეცით, ერთი!

მწყემსებმა ძლივს გააგდებინეს ხელიდან შისისაგან მობუზული უშანგი.

— რალა პირით უნდა შევხედო იმ დედაკაცს? არ იტყვის, ერთ ზაფხულს ბალი ვერ შემინახაო?! რას ერჩოდი, შვილო, რა გინდოდა, ვერ ეტეოდი ამოდენა მთაში? ამ უქნარას რომ არ აემღვრივანა, იმ ბაღს ბაკის კარების დაკეტვა არ დაავიწყდებოდა! მერე რა ხბო დაიკარგა, რა სახარე! აი, გაგიწყრეს ჩემი გამჩენი, კაი ბალი შენა ხარ! დილაზევე აიკარ გულდა-ნაბადი და აქ აღარ დაგინახოს ჩემმა თვალებმა!

მეგობრობა

შესრულდა ათი წელი მოსკოველი, ტუშინოელი, თბილისელი, ლენტეხელი და მესტიელი პიონერების დამეგობრებიდან. გასულ თვეს პიონერბანაკ „მეგობრობაში“ თავი მოიყარეს რუსმა და ქართველმა პიონერებმა და ზეიმიტ აღნიშნეს ღირსშესანიშნავი თარიღი.

აფრიალდა ანძაზე პიონერული ალაში. რუსული, ქართული და სვანური სიმღერა მთელს ენგურის ხეობას მოედინა. საღამო ხანად ვეებერთელა პიონერულმა კოცონმა გაანათა ენგურის ჭალები:

„ხუთი მხარის პიონერების ეს დიდი მეგობრობა, — გვიამბო ტუშინოს მე-2 საშუალო სკოლის მოსწავლე ნინა ნიკანოროვამ, — სულ პირველად ჩვენი პიონერების პატარა ბართით დაიწყო. წერილს მოჰყვა წერილი, საჩუქრებს — საჩუქრები. გადიოდა წლები. წრეში მოსკოველი, თბილისელი, და ლენტეხელი პიონერებიც შემოგვიერთდნენ. ათ წელიწადში კიდევ უფრო გამოიწრთო ჩვენი მეგობრობა.

ასევე გულწრფელი, მეგობრობითა და სიყვარულით იყო აღსავსე მოსკოველი პიონერების ირინა კოტევეას და სვეტლანა კალინკინას სიტყვები:

„ჩვენი მეგობრობის ათი წლის მანძილზე მესტიელი პიონერები ორჯერ გვიწვივნენ დედაქალაქში; ჩვენთან ერთად დაათვალიერეს მოსკოვი და უკანასკნელად, გამომშვიდობებისას, თავისთან დაგვპატიუეა მესტიაში.

ამ ზაფხულს ჩვენც გამოვწვიეთ საქართველოსკენ. ჩამოვედით სვანეთში — მაღალმთიან საოცნებო მხარეს, ჩვენი მეგობრების მხარეს ვეწვიეთ.“

დაუვიწყარი მოგონებებით, წარუშლელი შთაბეჭდილებებით, სიყვარულისა და მეგობრობის გრძნობით აღვსებულა გაემგზავრნენ მოსკოველი და ტუშინოელი პიონერები სვანეთიდან. თან წაიღეს ძღვნად მირთმეული ქართული ხილი და



130 წლის მოხუცი ალექსანდრე ჯაფარიძე პიონერებს ესაუბრება.



საქართველოს ალკ მესტიის რაიკომის მდივანი უჩა ხარძიანი მოსკოველ, ტუშინოელ, და თბილისელ პიონერებს აცნობს სვანეთის წარსულს.


სვანური ქუდები... გაივლიან წლები, დაიზრდებიან პატარა მეგობრები, ბევრი რამ იქნება დაავიწყდეთ კიდევ, მაგრამ არ დაავიწყდებათ „მეგობრობის“ ბანაკში სტუმრად წვეული 130 წლის ქართველი მოხუცის ალექსანდრე ჯაფარიძის სიტყვები:

„მიხარია, რომ ერთმანეთთან

ასე ხართ დაახლოებული. გული მწყდება, რომ ასე არ იყო ჩემს ბავშვობაში.

იზეიმეთ და ილხინეთ, ჩემო პატარებო! გიყვარდეთ ერთმანეთი ათი რა არის — ასი, ათასი წელი იდღეგრძელოს თქვენმა მეგობრობამ!“

რუსულან პარკინა



სიმონ შაჰურიანი

ნახ. გ. თოთიბაძისა

სტუმრად მოსკოველ პიონერებთან

„მუდამ სიამით ვიგონებთ
სტუმრობას თქვენთან—სვანეთში,
ჩანჩქრების, ლურჯი ქედების,
ორბარწივების მხარეში.

ახლა ჩვენ გეპატიუებით,
გვაქვს ერთი წრფელი წადილი:
განმტკიცდეს ჩვენი კავშირი
და მეგობრობა ნამდვილი.

მოდით, გვეწვიეთ უთუოდ,
მოუთმენელად მოგელით.
პიონერული საღამით
ხელს გართმევთ ტუშინოელნი“.

ასე გულთბილად მოგვმართეს
ჩვენმა ტოლებმა შორიდან
და ეს ამბავი მესტიას
ზღვა სიხარულით მოვიდა.

და ახლა ბევრი მთიელი
უმაწვილის დეღვით ნანატრი —
ენახა დედა მოსკოვი,
მსოფლიოს მზედ რომ დანათის.

მათ შორის მეც მხვდა წილადა
ეს დიდი ბედნიერება.
წავედით... თვალი მოგვტაცა
რუსეთის ვრცელმა ველებმა.

და ბოლოს, აჰა, გამოჩნდა
სამშობლოს ფიქრი და გული...

ჩერდება მატარებელი,
ხმანობს კურსკის სადგური.

გვხვდება სადგურზე ყვავილი,
ტაში და თვალთა ციმციმი...
ჩვენს ტუშინოელ მეგობრებს
ვებვევით, ვკოცნით, ვიკინით.

და როცა სტუმრებს მოსკოვმა
კარები ფართოდ გაგვიღო,
რა იყო ფიქრით ნანახი!
ან გაგონილი რა იყო!

გაოცებულნი ვუცქერდით
ქალაქს მბრწყინავს და გოლიათს.
მსგავსი მისებრი მშვენების
არც ზღაპრად გამიგონია.

გვაფრთოვანებდა ყოველი —
გავიხედავდით საითაც;
ულამაზესი სახლები
ცას ზედნენ უშუბასავითა.

ენგურის ზვირთებს მოპგავდა
ქუჩებში დენა ხალხისა...
ძარღვებში დამკრა ფრიალმა
ძვირფასი კრემლის ნახვისას.

კრემლი! — ეს წმიდა სათავე
სინათლის, ბედნიერების,
ვინც მტკიცედ დაუშობილა
კაცი კაცს, ერებს — ერები,

თავს დაგვტყუროდა მღიმიანი
ნამდვილი მშობლის იერით,
გვესმოდა მის წინ მდგომარეთ
სამშობლოს სუნთქვა ძლიერი.

მავზოლეუმთან დუმილით
შეფიცეთ უკვდავ ბელოდებს —
ხალხის სამსახურს მივუძღვნით
ჩვენი სიცოცხლის ყველა დღე.

თავი სიზმარში მეგონა,
როცა მეტროში ჩავედით,
გადაგვეხურა ლაყვარდი
ხომლებით მოჩახჩახეთი.


სულ მოვიარეთ მოსკოვი,
რაც გვესურდა ვნახეთ ყოველი,
თავს გვევლებოდნენ, გვალხენდნენ
ტოლები ტუშინოელნი.

მაშინ ვიგრძენი — რუსის გულს
რა დიდი სითბო ჰქონია...
თურმე მოსკოვშიც რამდენი
დები და ძმები გვეყლია!...

გავანდეთ გულისნადები,
გაგვიზიარეს ფიქრები;
ერთმანეთს სიტყვა მივეციით,
რომ მუდამ ერთად ვიქნებით;

ხელი ხელს მივეციეთ, გული—გულს,
სულ წინ ვიარეთ ყოველთვის.
გმირული შრომით, სწავლითა,
ვადიდოთ მზე საბჭოეთის.





ს. იორაგაგილი

ნახ. კ. მახარაძისა

გმირის ბავშვობა

გასულ წელს ჩვენთან ერთად ზორჯომში საბჭოთა კავშირის გმირი ისვენებდა. მე რატომღაც განსაკუთრებით ვაკვირდებოდი და ვცდილობდი მეპოვნა მასში ის, რაც გმირს ანსხვავებს დანარჩენთაგან, როგორც პიროვნებას, მაგრამ საკმაოდ აკვირვების შემდეგ დავრწმუნდი, რომ იგი არაფრით არ განსხვავდებოდა სხვა დამსვენებლებსაგან. ყოველ შემთხვევაში, პირველი შეხვედრებით მას არ დაუტოვებია მაინცდამაინც განსაკუთრებული შთაბეჭდილება. ფართო მხარ-ზე-ჭითა და უკვე საკმაოდ გათხელებული წახლისფერი თმებით ქართული ვაჟაკის ჩვეულებრივს, ფიზიკურად ნორმალურად განვითარებულ ტიპს წარმოადგენდა, რომლის მსგავსნი არც თუ ისე ცოტანი გვხვდებიან ჩვენს პატარა ქვეყანაში. ოღონდ, თუ არ ვცდები, თვალები ჰქონდა რაღაც თავისებური.

გარდა ამისა, ხასიათით ძალიან სადა და მორიდებული ადამიანი იყო. მთელი თავის განმავლობაში არ შემომჩნევია, რომ თავის უპირატესობისათვის ხაზი გაესვა.

ერთხელ, ჩვენს ახლოს დაბანაკებულმა პიონერებმა შეხვედრა მოუწყეს გმირს. შეხვედრას მეც დავესწარი და, უნდა ითქვას რომ, ძალიან უფერულად ჩაიარა იმ ცერემონიამ. მართალია, პიონერულმძღვანელმა ვრცელი მოხსენება გააგება და, რაც გმირის შესახებ გაზეთებიდან ამოკითხა, ყველაფერი უამბო ბავშვებს. პიონერებმაც ილაპარაკეს. ზოლოს გმირიც გამოვიდა საპასუხო სიტყვით და გულთბილი შეხვედრისათვის მადლობა გადაუხადა პატარებს. მაგრამ ყველაფერი ეს რატომღაც ბუნებრივად არ გამოდიოდა. თითქოს ძალიან ნაცნობი პიესიდან წინდაწინ დახეპი-

რებულ როლებს იმეორებენო, ისეთი შთაბეჭდილება დარჩა.

ეს არახუნებრიობა თვით გმირმაც იგრძნო და უხერხულობის გასაფანტავად პიონერებს შეჰპირდა, შემდეგში როცა შევხვდებით სადმე, უფრო დაწვრილებით გავეცნოთ ერთმანეთსო. და აი, ერთხელ, როცა სეირნობის დროს მე და გიორგი (ასე ერქვა გმირს) ტყეში შევხვდით იმ პიონერთა რაზმს, დაპირება გაახსენეს გმირს. გიორგი ჯერ დიდი ხნის მეგობარით მიესალმა მზისაგან გარუჯულ პატარებს, ყველას ხელი ჩამოართვა და შემდეგ, როცა ბავშვები მიწიდან ამოჩრილ ხის ფესვებზე ჩამოსხდნენ, უამბო თავისი არც თუ სახარბიელო ბავშვობის შესახებ.

— მე, ბავშვებო, ცამდე ავყავარ ხალხს. მაქვს ბენ, მაღიდებენ. — დაიწყო გიორგიმ. — უნდა გამოვტყდე და, ზოგ შემთხვევაში კიდევ აზვიადებენ ჩემს ნამოქმედარს. ქება, რა თქმა უნდა, ცუდი როდია. ეს თითქოს უნდა მსიამოვნებდეს კიდევ, რადგან ლანძღვა-გინებას ისევ ქება-დიდება სჯობია, მაგრამ გადაჭარბებული არც ის ვარგა.

თუ ატყობდით, თქვენთან პირველი შეხვედრის დროს ერთგვარ უხერხულობას განვიცდიდი. რა ვუყოთ, რომ საბჭოთა კავშირის გმირის წოდება მაქვს. მართალია, ეს ძალიან საპატიო წოდებაა და კმაყოფილიც ვარ, რომ ასე დამაფასეს, მაგრამ ჩვენში რომ დარჩეს, რატომ უნდა გავუზვიადოთ ადამიანს თავისი მოვალეობის პირნათლად შესრულება? მეც მეტი ხომ არაფერი გამოკეთებია! მოვალე ვიყავი ჩემი სამშობლო დამეცვა შემოსეული მტრებისაგან და მეც ეს შევასრულე.

ეს ასე. ამ უბრალო ჭეშმარიტებაში თვითონვე დარწმუნდებით, როცა გაიზრდებით და ამაზე დროს ნულარ დაგვარავთ. მოდით, ახლა ერთმანეთს გავეცნოთ. თქვენი ყოფა-ცხოვრება ჩემთვის ძალიან ნაცნობია, ბევრჯერ გულწრფელად შემხარბეხია თქვენი ბედი. მინდა ზოგი რამ გიამბოთ ჩემი ბავშვობის შესახებაც.

ჩემთან შეხვედრის დროს თქვენმა ხელმძღვანელმა ყველაფერი გიამბოთ ჩემს შესახებ და, როგორც იტყვიან ხოლმე, მთელი ანკეტური მონაცემები გავაცნოთ. მაგრამ ის საქმიანობა, რომელიც მე არც ერთ ანკეტაში არ ჩამიწერია და არც არავინ იცის, ჩემი ცხოვრების ყველაზე საინტერესო ხანად მიმაჩნია. აი ამის შესახებ მინდა გიამბოთ.

მართალია, მაშინ უშუალოდ საქვეყნო საქმეები არ ჩამიდენია და იგი მხოლოდ შინაური, ოჯახური ამბებით განისაზღვრებოდა. მაგრამ, ვფიქრობ, თუ რამ კარგი თვისება მაქვს ამჟამად, ეს მაშინ შევიძინე იმ გაჭირვებასთან ბრძოლაში, რომელსაც ჩვენი ოჯახი განიცდიდა.

ყმაწვილებო! ერთსა გთხოვთ. ისე კი არ გამოგოთ, თითქოს ვამტკიცებდე, გაჭირვებული ცხოვრება აუცილებელი საწინდარი იყოს შემდგომი კეთილი თვისებების გამოსამუშავებლად. ეს სისულელე იქნებოდა. მაგრამ ერთი რამ უნდა გახსოვდეთ: რანაირი ნიჭიერებიც არ უნდა იყოთ, თუ სისტემატური შრომა არ გიყვართ, ვერაფრის გაკეთებას ვერ შესძლებთ.

ხუთი შვილი ვყავდით ჩემს მშობლებს. მამაჩემი მეისრედ მუშაობდა რკინიგზის ერთ პატარა სადგურზე. მოგეხსენებათ, მეისრის ხელფასით ხუთი შვილის შენახვა არც ისე ადვილია, მაგრამ მამაჩემი რკინის კაცი იყო. დღედაღამე არ ეძინა, თავს არ ზოგავდა და პატარებს ლუკმაპურს არ გვაკლებდა. ხოლო მძიმე შრომამ, ცხოვრების დუხჭირმა პირობებმა და რევემატიზმებმა დედაჩემი ისე მოსტეხეს და დაამახუნეს, რომ ღრმად მოხუცებულს დაამსგავსეს. მაგრამ ჩვენთვის, მისი შვილებისათვის, იგი ისევე საყვარელი იყო. იმაზე ლამაზი ჩვენთვის ქვეყანაზე არავინ მოიბოვებოდა და ვერაფერ ცვლილებას ვერ ვამჩნევდით.

ექიმები გვირჩევდნენ — წყალტუბოს აბაზანები არავებო. ერთხელ მამაჩემს როგორღაც სამსახურში საგზურს დაჰპირებოდნენ და, ეს ამბავი რომ მოიტანა სახლში, ჩვენს სიხარულს საზღვარი აღარ ჰქონდა. ერთმანეთს ვეხვევოდით, ვკოცნიდით. ხან დედას ვუვლიდით გარშემო და გციდილობდით მის თვალებში ამოგვეკითხნა, მდგომარეობა ნამდვილად სასიხარულო იყო თუ არა. მაგრამ დედის თვალებში ჩვენი იმედის გაცრუებას ვხედავდით მხოლოდ.

— რატომ არ გიხარია დედიკო? მამა ხომ ამბობს წყალტუბოში რომ იხანაოს დეიდამ, სრულებით გამოჯანმრთელდებო, — ეუბნებოდა ჩემი მომდევნო და — 12 წლის ნუცა. ამ დროს დანარჩენი ბავშვებიც სახეში შევცქეროდით და პასუხს ველოდით.

— ეპ, შვილო, — დაიწყო დედაჩემმა, — რატომ საგზური ხომ არ არის საქმე, სხვა აღზარდები მინდა იქ წასასვლელად? ასე ტიტველი მათხოვარსავით სად წავიდე იმ უცხო ხალხში? კახას აქ ერთმანეთზე რომ ვაკონკვებ, იქაც კი არ შეიძლება.

— კაი, შე კაი ქალო! ნუ იცი ხოლმე გულის გატეხა. სექტემბრამდე ჯერ კიდევ დიდი დროა, ერთ კახას როგორც იქნება მოგიხერხებს, ბავშვებს რაზე ტყენ გულს! — გამოელაპარაკა იქვე მდგომი მამაჩემი, რომელიც თითქოს არ უსმენდა ჩვენს ბაასს.

მე და ნუცას, რა თქმა უნდა, არა გვეჯეროდა მამაჩემის დაპირება, რადგან ძალიან კარგად ვიცოდით მისი ავლადილება, არსაიდან სასხარი არა ჰქონდა და მარტო გულკეთილობა ხომ ვერ უშველიდა საქმეს. მხოლოდ ჩვენს მომდევნო დამას სიხარულით სახე აენთოთ, მამას შემოეხვიენენ, პატარა ხელებს ყელზე იკიდებდნენ და თან ეხვეწებოდნენ:

— შენ გენაცვალე მამიკო! უყიდე რა დედას კაბა!

თითქოს მათი ხვეწნა სჭირდებოდა მამას! ბავშვებს თავზე ხელი გადაუსვა, დააიმედა, რომ დედას კახასაც უყიდა, ფეხსაცმელებსაც და სახარჯო ფულსაც უშოვნოდა, რათა კარგად დაესვენა და გამოჯანმრთელებულიყო, მაგრამ მე და ნუცას არც ახლა გვეჯეროდა მამის დაპირება.

მაშინ მე თოთხმეტი წელი მისრულდებოდა. უკვე ჭკუაში ვიყავი ჩავარდნილი და მძიმე ფიქრებმა შემიპყრეს: ვფიქრობდი რაიმე საშუალება გამომენახა, რომ მამას დავხმარებოდი, მაგრამ ვერაფერი ვერ მომეგონებინა. გასაყიდიც არაფერი გვქონდა. გულისტკივილით შევადარე ჩვენი მდგომარეობა ჩვენი მეზობლის მდგომარეობას, ვის ბალებშიც ჭერმები და ალუბლები დახუნძლულიყვნენ. ვიფიქრე, ეს რომ ახლა ჩემი იყოს, ერთ მარცვალს არც მე შევჭამ და არც ჩემს დაძმას შევაჭმევ, სუყველას გავყიდი მატარებლის მგზავრებზე და დედას ფულს მოვუგროვებ-მეთქი. მაგრამ ვინ მომართმევდა?

ამ ფიქრით რომ დავიღალე, მაშინ უფრო შემეცოდნენ ჩემი მშობლები, ქვეყანაზე არაფერი არ გააჩნდათ და შვილებს დლიურნი ნამოვნი ლუკმით შოშიას ბარტყებსავით გვეკვებავდნენ.

ეხ, ვინმეს მაინც სჭირდებოდას რამეზე მოხმარება, ძალ-ღონეს არ დავზოგავ-მეთქი, ვფიქრობდი ჩემთვის და იმ დამეს ძილი არ მომეკარებია.



მამაჩემი მეისრედ მუშაობდა.



თოხმეტი წელი მისრულდებოდა, უკვე ქუთაში ვიყავი ჩა-
ვარდნილი და მძიმე ფიქრებმა შემიპყრეს.

წარმოიდგინეთ, ბავშვებო, სკოლაში ყველა სა-
განს ხუთზე ვსწავლობდი, ყველაზე დონიერად
ვიყავი — ჭიდაობაში, რომელსაც ხელს მოვკი-
დებდი, ფეხზე არავის ვაყენებდი. მუშაობაც კარ-
გი ვიცოდი, მაგრამ სამუშაო არაფერი მქონდა.

საზაფხულო არდადეგები ერთი კვირის დაწყე-
ბული გვქონდა და მამაჩემის მიერ რკინიგზის
ლიანდაგის გასწვრივ გრძლად მითესილი სიმინ-
დის პატარა ნაკვეთები, საქმე რომ არაფერი მქონ-
და, ორჯერ-სამჯერ გავთოხნე, მაგრამ რა გამო-
ვიდა, ეს დედას რას უშველიდა? ისევ სხვა რამე
უნდა მომეფიქრებინა, რომელიც მაშინვე მომ-
ცემდა ფულს.

ბოლოს ერთი გადაწყვეტილება მივიღე: ვიზოვე
ერთი თორმეტრიანი თიხის დოქი, გავავსე
წყლით, დავიჭირე ალუმინის ტოლჩა და გავედი
ჩვენი სადგურის ბაქანზე, სადაც აუარებელი მა-
ტარებლები დგებოდნენ. პირველ მატარებელზევე
დავცალე ერთი დოქი წყალი და სამი მანეთის და
ორი აბაზის ხურდა ფული დავითვალე. „ბიჭოს! ეს
კარგია-მეთქი!“ და დავტრიალდი. იმ დღეს რამ-
დენმა მატარებელმაც ჩაიარა, იმდენჯერ დავცა-
ლე ჩემი დოქი. ხუმრობა საქმე ხომ არ იყო: ჩვე-
ულეზბრივი, ბუნებრივი წყარო და ჩემი პატროსა-
ნი შრომა ფულის შოვნის წყაროდ გავიხადე, რო-
მელიც ასე მესაჭიროებოდა ავადმყოფი დედისა-
თვის. რამდენსაც მოვისურვებდი, რამდენსაც მო-
ვერეოდი, იმდენს მომცემდა დედა ბუნება და
ჩემს თავს რაღას დავზოგავდი. საღამომდე გავ-

კიოდი ბაქანზე: „ცივი წყალი, მამა,
ცივი წყალი-მეთქი“.

უკანასკნელი მატარებელი რომ
გავაცილე და დოქიც დავცალე, სა-
შინელი შიმშილი და დაღლილობა
ვიგრძენ. ჯერ თითქოს მეუხერხუ-
ლა, წყალში აღებული ფულით
ცხელ-ცხელი ღვეზელის საყიდლად
რომ შევედი ბუფეტში, მაგრამ იმი-
თი გავამართლე ჩემი მოქმედება,
რომ ის ფული ნამდვილი ჩემი შრო-
მით იყო აღებული, არავის ნაჩუქარი
არ იყო და ვერავენ ვერ დამაყვედ-
რიდა.

კარგა გვარიანად დავნაყრდი, და-
ნახარჯები გადავიხადე და, როცა
დაჭმუჭნული მანეთიანები და ხურ-
და ფული დავითვალე, ოცდაშვიდი
მანეთისა და სამი შაურის პატრონი
აღმოვჩნდი. ეს ჩემთვის მოულოდ-
ნელი სიმდიდრე იყო. „შემდეგაც

თუ ასე წავიდა საქმე!“.. ვფიქრობდი და ჩემს თავ-
საც აღარ ვუმხელდი იმ სიხარულს, რაც იმ ფუ-
ლით შემეძლო შემეტანა ჩვენს ხელმოკლე ოჯახ-
ში. უკვე აღარ შევნატროდი მეზობლის ბიჭებს,
ვისაც ჭერმები და ალუბლები ედგათ: — დიდი
რამეა იმათი ჭიანი ჭერმები. ისინი წელიწადში
ერთხელ მოისხამენ და გათავდება, ხოლო მე თუ
არ ვიზარმაცებ, არც წყალი გამოილევა და არც
მწყურვალი ხალხი დაილევა მატარებელზე-მეთქი.

ასე ვამხნევებდი ჩემს თავს და შემდეგ დღეებ-
ში უფრო გულმოდგინედ შევუდექი ჩემს საქმეს.
პირველი დღის შემოსავალი გავიხადე ნიხრად და,
როცა იმაზე ნაკლებს მოვაგროვებდი, ჩემს თავს
ვსაყვედურობდი — ალბათ, ვიზარმაცე-მეთქი.
მეორე, მესამე დღეს კი უსათუოდ რამდენიმე
გრომით უნდა გადამეჭარებინა და დამემშვიდე-
ბინა გული, თორემ ვერ ვისვენებდი.

ისიც უნდა აღვნიშნო: პირველ ხანებში ძალიან
ვბრაზობდი, როცა ზოგიერთი სალახანა წყალს
დალევდა და ფულს კი აღარ მომცემდა. მაგრამ
შემდეგ იმ აზრავსაც შევეჩვიე, რომ კარგ ადამი-
ანებში სალახანებიც გამოერევიან ხოლმე. ბოლოს
იმათთან მიღგომაც ვისწავლე, ჩემესურად ვარცხ-
ვენდი:

— გეთქვა, შე კაი კაცო, ფული თუ არ გქონ-
და, ისე ვერ დაგალევიებდი? წყალია, სხვა ხომ
არაფერი, გინდა კიდევ დალიე მეთქი. — და საე-
სე ტოლჩას გავუწვდიდი ხოლმე.

ამ სიტყვებით დარცხვენილი სალახანა უკანასკ-

ნელ სინდისს მოიკრეფდა და შრომას ამინაზღაურებდა ხოლმე, მაგრამ, სამწუხაროდ, იყო შემთხვევა, რომ ზოგს ის მცირედი სინდისის ნატამალიც კი არ აღმოაჩნდებოდა, მეორე ტოლჩასაც დაღვედა, ერთს წამითაქებდა კეფაში და არაფერსაც არ მაძლევდა.

ერთხელ ერთმა ბრიყვმა დოქიცი გამიტეხა... ჩემდა სამარცხვინოდ ეს ჯავრიც შევჭამე და მოვითმინე. მოვითმინე იმიტომ, რომ სრულესით მიზნად არ მქონდა ვინმესთან მეჩხუბნა. მხოლოდ ერთი აზრით ვიყავ შეპყრობილი: როგორმე ავადმყოფ დედისათვის სამკურნალოდ წასასვლელი ფული მომეგროვებინა და ამისათვის ყველაფერს ვიტანდი და ვითმენდი კიდევ.

სვერი უსიამოვნება გადამხნდა შემდეგშიც. მხოლოდ ერთი შემთხვევა განსაკუთრებით დამახსოვდა: ჩემი საქმიანობა რომ დიდი სასახელო არ იყო მოზარდისათვის, ამას მე თვითონვე ვგრძნობდი და ვთაკილობდი კიდევ, როდესაც ნაცნობები მხედებოდნენ, მაგრამ ისიც უნდა ითქვას, რომ ვინც მე მიცნობდა, მან ისიც კარგად იცოდა, თუ რა ხელმოკლედ ვცხოვრობდი და ამისათვის არავის დაევძრახებოდა. პირიქით, ზოგიერთები კიდევ მაქებდნენ.

— აი, მარაქალა ბიჭიკო! აგრე უნდა, მამას უნდა მიეხმარო, ორიოდ გრომიც რომ შეიტანო სახლში, ისიც შეღავათია.

ასეთი სიტყვების შემდეგ წყლის გაყიდვა იმდენად სათაკილოდ აღარ მიმაჩნდა.

ნაწილნი კიდევ სხვაფრივ მარიგებდნენ ჭკუას: — შეილო! სხვა რამე საქმისათვის მოგეკიდა ხელი, ან დალაქობა გესწავლა, ან დურგლობა, ან კალატოზობაო.

ამის მთქმელნიც თავისებურად მართლები იყვნენ, თუმცა სამუდამოდ წყლის გამყიდველად დარჩენას არც მე ვაპირებდი. ერთი სიტყვით ასეთ დამრიგებლებს ჩემზე მაინცდამაინც ცუდად არ უმოქმედნიათ. ვატყობდი, რომ ისინი ჩემი კეთილისმდომლები იყვნენ.

მაგრამ ერთხელ, ბორჯომის მატარებელზე, ბაკურიანში ექსკურსიაზე მიმავალ ახალგაზრდა ქალ-ვაჟთა ჯგუფში ჩემი ნაცნობი ბიჭი შემხვდა. იგი ჩვენს სკოლაში სწავლობდა და ორი კლასით ჩემზე წინ იყო. ნაცნობი კი იყო იგი, მაგრამ ერთმანეთის მეგობრები არ



სალამოდე გავიოდი ბაქანზე.

ცყოფილვართ. პირიქით, იგი ჩემით უკმაყოფილო იყო ერთი ამბის გამო:

ერთხელ, რაიონის სკოლების მოწაფეთა შეჯიბრებაზე სირბილში მე და ის გავედით საფინალო შეხვედრაში. ვინც უარეს შედეგებს აჩვენებდა, იგი რესპუბლიკურ შეჯიბრებაში მონაწილე გუნდიდან ვარდებოდა.

სტარტის მიცემისთანავე ჩემი მოწინააღმდეგე დაწინაურდა და დარწმუნებული იყო იოლ გამარჯვებაში, მაგრამ სწორედ თინიშთან გადავუსწარი და პირველობა ჩამოვართვი. ეს იყო მიზეზი რომ ვეღარ მიყურებდა კარგი თვალით.

ერთხანს ცემაც კი მომინდომა, უხეშად მომიკიდა ხელი, უნდოდა წავექციე; ვითომ ხუმრობით, მაგრამ რაკი ისე იოლად ვერ მომღუნა, თავის განზრახვაზე ხელი აიღო. ოღონდ მას შემდეგ სხვაფრივ მისწორებდა ანგარიშს. რითაც კი მოახერხებდა, ცდილობდა ჩემს დამცირებას. ხან ჩემს ლანჩავარდნილ ფეხსაცმელს აიგდებდა სასაცილოდ და ხან დაკერებულ ხალათს.

თვითონ, რა თქმა უნდა, ყოველთვის ჩემზე უკეთესად ჩაცმული მდებოდა. ეს არც გასაკვირველი იყო. მის მამას პლენხანოვის გამზირზე სამაქარლომო ჰქონდა გახსნილი და ერთადერთი ვაჟიშვილის კარგად შენახვა რატომ გაუჭირდებოდა?

აი ეს, მამის ქონებით განებვირებული ყმაწვილი შემხვდა ბორჯომის მატარებელზე თავისსავე მსგავს ბედნიერ ქალ-ვაჟთან ერთად, როცა მე სავსე დოქით შევადე ერთი ვაგონის კარი და ჩემესურად შევძახე: — „უიი წყალი-მეთქი“.

— ვა, ბიჭო, გიგლო! შენა ხარ? ეს კი სწორედ საშენო საქმე დაგიწყია. მოიტა ეგ შენი საქონელი, თუ მართლა ცივია, გავისაღებთ: — და მერე ამხანაგებს მიმართა: — ჩვენს სკოლაში სწავლობს, ერთი საწყალი ბიჭია, მაგის მამა მესრედ მუშაობსო.

მე სიბრაზისაგან ავენთე. ეს რომ სხვას ეთქვა, შეიძლებოდა ყურადღება არც კი მიმექცია, რადგან მართლაც მესრედ მუშაობდა მამაჩემი. გარდა ამისა, ჩემს მდგომარეობაში მყოფი ბავშვიც უსათუოდ შესაბრალოსია, მაგრამ „მტრის“ შეზრალეა გულზე ტყვიასავით მომხვდა და ამაზე მკვახედ ვუპასუხე:

— მამაჩემი მესრეა, მაგრამ სპეკულანტზე უფრო პატიოსანი და ხალხისათვის საჭირო კაცია!..


ეტყობოდა იგი ამას არ მოელოდა ჩემგან. სიბრაზით სახეანთებულმა ირონიით შემომხედა და შემდეგ ხმამაღლა მომმართა:

— ერთი ამ გლახაკს უყურეთ და! ამაზე იტყვიან სწორედ „გლახა ამპარტავანო“.

— გლახაც ხარ და ერთიც მეტი. გლახები სახლში გეყოლება. მე ხალხს ვასმევ წყალს. თორემ შენ წყურვილითაც რომ დაიხრხო, ერთ წვეთსაც არ მოგაწვდი-მეთქი!

ამან სულ გადარია. იგი წამოდგა გაბრაზებულ და კბილების კრატუნით წამოვიდა ჩემსკენ.

მე ვიცოდი, რომ სამაქარლოამოში გასუქებული ვაჟბატონი ჩემს საალერსოდ არ მოდიოდა. დოქი



გაგონის კედელთან დავდგი და მოვემზადე დასახვედრად. მართალია იგი წლოვანებით ჩემზე უფროსი იყო, მაგრამ ერთხელ კიდაობაში უკვე მოსინჯული მყავდა და აღარ შევშინებულვარ.

ის იყო მომიახლოვდა და უნდა დამტაკებოდა, რომ მისი ამხანაგები გონს მოვიდნენ და უკან გაითრიეს.

— რა გინდა ძმაო, რას ერჩი ამ ბიჭს? ცუდი ხომ არაფერი უთქვამს, წყალი დაგვალევინეო — ეს გითხრა, მეტი ხომ არაფერი? — ამ სიტყვებით მომმართა ერთმა მისმა ამხანაგმა.

— მაგან თვითონ იცის რაც მითხრა, თორემ მე წყალსა ვყიდი, სხვას კი არაფერს. რა მაგის საქმეა მამაჩემი სადაც მუშაობს! ჩემი დოქი ისევ ავიღე და, რა უნდა მექნა, ჩავედი ვაგონიდან ძირს ისევ სავსე დოქით და მგზავრებისათვის, რომლებიც წყალს მთხოვდნენ, ყურადღება აღარ მიმიქცევია. უკან არ მიმიხედნია, გადავჭერი სადგურის ბაქანი, გავედი ბაღის გვერდით, ალუბლების ჩრდილში დავჯექი, დოქიდან წყალი ნება-ნება დავაქციე და დავფიქრდი იმ უზრუნველ ახალგაზრდებზე, რომელთაც საკურიანისაკენ მიაქროლებდა ზორჯომის მატარებელი. ერთ ხანს ჩემი თავი გულწრფელად შემებრალა. მაგრამ როდესაც დავმშვიდდი მივხვდი, რომ მარტო ეს სიბრაულე ვერაფერი წამალი იყო ჩემი მამინდელი მდგომარეობისათვის და ავადმყოფი დედისათვის. უფრო გამხნეებული წამოვხტი, წყაროსაკენ წავედი, რომ ისევ ცივი წყალით გამევესო დოქი და შემდეგ მატარებელს დავხვედროდი.

ჩემი ნამდვილი საქმიანობის შესახებ სახლში არაფერი იცოდნენ გარდა იმისა, რომ სადგურზე დავდიოდი და ამხანაგებში „ვლანზლადარობდი“. ისიც გაგებული ჰქონდათ, რომ ზოგჯერ წყალსაც ვყიდდი და თითოთორილა გროშსაც ვაწვდიდი ხოლმე სახლში, როცა ძალიან გაუჭირდებოდათ. მაგრამ რას წარმოიდგენდნენ, რომ ყოველდღიურად ოცდაშვიდი მანეთი მქონდა შემოსავალი და ხან მეტიც.

ერთხელ, მაგალითად, სამხედრო სასწავლებლის კურსანტებით გაქედილი ემელონი ჩამოდგა ჩვენს ბაქანზე და არ ვიცო რის გამო, ორი საათის განმავლობაში გააჩარეს იგი. ცივი წყალი, რა თქმა უნდა, მათაც შევთავაზე. მზისაგან გარუჯული ბიჭები წამდაუწუმ მიცილიდნენ დოქს და კიდევ მგზავნიდნენ წყლის მოსატანად. ისინი არამც თუ არ მაკლებდნენ ფულს, პირიქით, მეტსაც მაძლევდნენ. მაგრამ ეს კიდევ არაფერი.

როგორღაც ერთმა კურსანტმა მკითხა, თუ ამოდენა ზიკი რათა ვცდებოდი წყლის გაყიდვაზე და რატომ უფრო პერსპექტივიან საქმეს არ მოგვიდებოდა. მე მას გულახდილად, დაწვრილებით ვუამბე ჩემი მდგომარეობა და როდესაც გაიგო, რომ ყველაფერს ამას ავადმყოფი დედისათვის ჩავდიოდი, გული აუჩუყდა. ეს ამბავი თავის ამხანაგებს გადასცა და მოუწოდა: — დავეხმაროთ პატარა ვაჟკაცს და თავისი კეთილგანზრახვა შევასრულებინოთო.

მან ერთი ტოლჩა წყალი დალია და ვანიკის ნაცვლად მანეთიანი მომცა. ეს რომ დაინახეს მისმა ამხანაგებმა (ეტყობოდათ იმ კურსანტს ძალიან პატივსა სცემდნენ, რომ მის მოწოდებას გამოეხმაურნენ), წამოვიდა მანეთიანები ჩემსკენ. ზოგი სამმანეთიანსაც მაძლევდა. იმ საღამოს ფულს რომ დავითვალე მთელი დღის შემოსავალმა 83 მანეთი და 45 კაპიკი შეადგინა. ეს, რა თქმა უნდა, ყველაზე ბედნიერი დღე იყო ჩემი ეგრეთწოდებული საქმიანობის პერიოდში.

ერთი სიტყვით, აგვისტოს შუა რიცხვებში ჩემმა მთელმა თანხამ 1000 მანეთს გადააჭარბა. ახლა უკვე საჭირო იყო გამემხილა ჩვენებისათვის. მეც მომწყინდა ერთი და იგივეს კეთება. გარდა ამისა, ყველაფერს რომ თავი დავანებოთ, არადაღეები ისე თავდებოდა, რომ ერთი წიგნის წაკითხვაც ვეღარ მოვასწარი.

ერთ დღეს, როდესაც ყველანი სახლში ვიყავით, ჩვეულებრივ, დედაჩემის წყალტუბოში წასვლის შესახებ ჩამოვარდა საუბარი, რადგან სულ თითზე ჩამოსათვლელი დღეები-ღა რჩებოდა გამგზავრებამდე.

რა თქმა უნდა, მამამ ვერ მოახერხა ფულის შოვნა დედის გასამგზავრებლად, ამიტომ დედა უფრო ნერვიულობდა და ისევ უარზე იდგა:

— არ წავალ, მოგკვდები და ის იქნება...

შეიძლება იმ პირობებში მართლა აღარც კი ენახებოდა თავი დედაჩემს. შეიძლება მისთვის მართლაც ერთი იყო, მოკვდებოდა თუ დარჩებოდა, მაგრამ ჩემი პატარა და-ძმა ისეთი სასოწარკვეთილებით შეჰყურებდა დედას, რომ ცრემლი მომერია. თითქოს ემუდარებოდნენ, — დედა, გენაცვალე, ჩვენთვის მაინც იცოცხლე, ნუ დავგაობლებო.

საწყალმა მამაჩემმა ისევ თავისი ჩვეულებრივი ხერხი იხმარა, რომელიც აღარავისა სჯეროდა. ჯერ თქვა, მოვახერხებ რამესო, მაგრამ რაკი ამით ეფექტი ვერ მოახდინა და დედა უფრო აღელდა ამაზე, ზოლოს მიაძახა:

— მოიცა დედაკაცო, მოიცა. ერთი ოცდაათ თუმანს საცა იქნება ვისესხებ და მერე წვრილწვრილად გადავიხდიო.

ამ სიტყვებზე მამაჩემი უფრო მეტად შემეცოდა. ისეთი დაბეჩავებული გამომეტყველება ჰქონდა, რომ ის ლომივით ღონიერი კაცი, ავადმყოფ დედაჩემზე უფრო სუსტად მომეჩვენა.

აქ კი ვეღარ მოვითმინე... ვეღარ შევინახე საიდუმლოდ ჩემი „სიმდიდრე“ და სახეარეული წამოვხტი.

— არც ფულის სესხება გინდათ ვინმესგან და არც მისი გადახდა. მე მაქვს ფული იმდენი, რომ დედას ყველაფერში ეყოფა-მეთქი და ამ სიტყვების შემდეგ გამოვიტანე ჩემი „სიმდიდრე“. გამოვსტანე და გადავშალე.

პირველად მშობლები სახტად დარჩნენ. ამდენი ფული რომ დაინახეს და გახარების ნაცვლად, როგორც მოველოდი, უფრო შეწუხდნენ. ალბათ, ეგონათ, რომ მათი უფროსი შვილი პატიოსან გზას

ასცა და ფული სადღაც მოიპარა. მაგრამ შემდგომ, როცა ყველაფერი დაწვრილებით ვუამბე, თანდათან ორივეს სახე გაეხადრა და სიხარულის ცრემლები გადმოსცვივდათ.

დედ-მამა სათითაოდ მიკრავდა გულში, ახლა პატარები შემომხევივნენ გარს და ზედ მაცოცდებოდნენ საკოცნელად. ერთი სიტყვით, მე მეგონა პირველად გმირი მაშინ უფრო ვიყავ ჩვენი ოჯახისათვის და გამოვტყდები, იმდენი კმაყოფილება ჩემი მოქმედების შედეგად მაშინაც არ მიგრძენია, როდესაც ნამდვილი საბჭოთა კავშირის გმირობა მომანიჭეს.

აი, ასეთი ზავშომა მქონდა, ჩემო პატარა მეგობრებო. თქვენ კი, აბა რა იცით, რასა ჰქვია გაჭირვება. იზრდებით ბედნიერად და მთელი ქვეყანა თქვენთვის ზრუნავს, მგონი თავი შეგაწყინეთ, პატარებო, არა? — მიმართა გიორგიმ პიონერებს.

— არა, რასა ბრძანებთ! კიდევ გვიამბეთ რამე, ძია გიორგი.

— წაბრძანდა თუ არა დედათქვენი წყალტუბოში? — შეეკითხა ერთი ცამეტ-თოთხმეტი წლის თმახუჭუჭა ბიჭუნა.

— რა თქმა უნდა, წავიდა და მართლაც ისე გამოჯანმრთელდა, რომ როდესაც კლდესავით არის. მომავალ კვირას მესტუმრება იგი აქ და თუ ჩვენს სანატორიუმში შემოვივლით, გაგაცნობთ.

მართლაც შემდეგ კვირას თბილისიდან ყავისფერი „პობედით“ ამოგრიალდნენ გიორგის უკვე მოჩიტული ქალ-ვაჟი — მანანა და დათო, რომელთაც თმაშევერცხლილი, მაგრამ ჯერ ისევ ჯანდონით სავსე დიდდა თამარი, შავი კრუხევით ამოჰყვა მფარველად. რა თქმა უნდა, პიონერთა რაზმი, რომელიც გაფრთხილებული იყო გიორგის მიერ, იქვე დახვდა და გაიცნო ის მრავალჭირნახული ადამიანი.

როდესაც გაცნობის შემდეგ გიორგის დედას წყალტუბოს ამბავი, მისი ავადმყოფობა გავახსენეთ და ვკითხეთ რატომ ნატრობდა სიკვდილს, ერთი გაიღიმა, ხელი ჩაიქნია და გვითხრა:

— თვალი იმ წარსულსაც დაუდგება. სიცოცხლე ახლა მინდა, რომ ჩემს შვილებსა და შვილიშვილებს ვუყურო. ნეტავი როგორც მე არა მიჭირს რა, ისე ის საწყალი ჩემი კაციც მოსწრებოდა ამ ჩვენს სიხარულს, თორემ მე რაღა ეშმაკი მომკლავსო.



ბავშვთა მეგობრებს

ეკატერინე გაბაშვილს

ჩვენ ვკითხულობდით „მაგდანას ლურჯას“ ბავშვური თრთოლვით და მღელვარებით, ჩვენ ვკითხულობდით ხმაშალა, ურჩად და ცრემლიანი გვქონდა თვალები.

ერთი ამბობდა: — ჩანს, წაართმევენ... იმეორებდა მეორეც ასე; უცებ დაეცა ფურცელს ნათელი: ამაყი ქვრივი გამოჩნდა გზაზე!

ერთბაშად დაჰკრეს ბიჭებმა ტაში, დაჰკმეს წართმევის მსურველთა ზრახვა... იმ განცდისათვის, რაც ვიგრძენ მაშინ, მადლობას გინდი, ძვირფასო, ახლა!



ნინო ნაკაშიძეს

პატარა ვიყავ, სოფლელი ბიჭი, დარდით და სევდით დაუთალხავა, და მიხაროდა, როცა მე წიგნში საყვარელ ნინოს სახელს ვნახავდი.

წარვიდნენ წლები, როდესაც ახლა ლამის მეც თეთრი განიჩნდის თმაში, ქუჩაზე ნინოს ჭაღარას ვნახავ და... ჩემი თავი მგონია ბავშვი!

ნუგა ბერუაშვილი



— აი, ის მთა უნდა დავიპყროთ, — უთხრა ალექსანდრა ჯაფარიძემ ნორჩ მოგზაურებს და მოგზაურთა „ქალაქის“ მოსაზღვრე მაღალ მთაზე მიუთითა.

საზაფხულო არდადეგების მიწურულს — 15 აგვისტოდან 19 აგვისტომდე — ხუთი დღის განმავლობაში მიმდინარეობდა ბორჯომის პარკში ნორჩ მოგზაურთა პირველი რესპუბლიკური შეკრება, რომელშიც საქართველოს სხვადასხვა კუთხიდან ჩამოსულ მოგზაურებთან ერთად მონაწილეობას იღებდნენ შეკრებაზე სტუმრად წვეული ლატვიელი, აზერბაიჯანელი და სომეხი პიონერები.

14 და 15 აგვისტოს, ორი დღის განმავლობაში განუწყვეტლივ ჩამოდიოდნენ მოგზაურები ბორჯომის სადგურზე; ჩამოდიოდნენ, აგრეთვე, სტუმრები მოძმე რესპუბლიკებიდან, რომელთაც დოლითა და საყვირით ხვდებოდნენ უკვე ჩამოსულნი და დიდი პატივით მიაცილებდნენ ბორჯომის ულამაზეს პარკში, სადაც შეკრების გახსნის დღეს 40 კარავი იყო გაშლილი მდინარის პირას. ნაძენართა და ფიჭვნართა დასტურულ ხეობაში.

შეკრება გაიხსნა 15 აგვისტოს, საღამოხანად. პიონერულმა საყვირმა ხაზზე მოუხმო ნორჩ მოგზაურებს. აფრიალდა შეკრების ალაში. საქართველოს სხვადასხვა კუთხიდან ჩამოსული ნორჩ მოგზაურთა რაზმების წარმომადგენლები რიგრიგად წარსდგნენ შეკრების მორიგის წინაშე და უპატივეს თავიანთი საქმეების შესახებ. მოძმე რესპუბლიკებიდან ჩამოსული სტუმრები მიესალმნენ ქართველ მოგზაურებს და შეკრებას წარმატება უსურვეს.

შეკრებას მიესალმა საქართველოს ალკკ ცენტრალური კომიტეტის მდივანი ამხ. ნათელა ვასაძე.

— ჩვენს ქვეყანაში, — თქვა მან, — ნორჩ თაობას ყოველგვარი პირობა აქვს შექმნილი წარ-

მატებითი სწავლისა და კულტურული დასვენებისათვის. ჩვენი ბავშვები დაუცხრომლად სწავლობენ მშობლიურ ქვეყანას — აწყობენ ექსკურსიებს და შორეულ მოგზაურობებს. მარაგანები და საურმე-გზები, ფართო შოსეები და წვრილი ბილიკები, რაც ამ ზაფხულს ჩვენმა მოგზაურებმა გაიარეს, ერთმანეთს რომ წავაბათ, მივიღებთ უზარმაზარ ციფრს კილომეტრებისას. ხოლო ეს მარშრუტები რუქებზე რომ გადავიტანოთ, მაშინ რუქები დაიქსაქსება აურაცხელი, ერთმანეთს გადაამკვეთი ხაზით.

სიტყვის დასასრულს ნათელა ვასაძემ მოუწოდა ნორჩ მოგზაურებს კიდევ უფრო გულდასმით და ყურადღებით. კიდევ უფრო ენერგიულად და მონდომებით შეისწავლონ მშობლიური ქვეყანა.

იმავე საღამოს მოგზაურთა „ქალაქის“ შესასვლელში გაიხსნა გამოფენა; სადაც დიდი რაოდენობით იყო წარმოდგენილი: საველე გაზეთები, ფოტოალბომები, ჰერბარიუმები, მაკეტები, მინერალების ნიმუშები, მრავალგვარი ექსპონატები. გამოფენას ინტერესით გაეცნენ ნორჩი მოგზაურები და სტუმრები.

შეკრების მეორე დღეს, მიუხედავად წვიმიანი და ნისლიანი ამინდისა, მოგზაურთა „ქალაქში“ არ დამცხრალა ცეკვა და სიმღერა, შეჯიბრებანი სპორტის სხვადასხვა სახეობაში: ფრენსურთში, კალათხურთში, ჰადრაკში, მაგიდის ჩოგბურთში. მოგზაურები ჯგუფ-ჯგუფად იკრიბებოდნენ კარავებში და უამბობდნენ ერთმანეთს თავიანთი მარშრუტების, თავიანთი მოგზაურობების შესახებ, შეკრებაზე არასაბატიო, არამედ საქმიან სტუმრებად იყვნენ ოსტატობის კანდიდატი ჰადრაკში ბ. გურგენიძე, რომელმაც ერთდროული სეანსი ჩაატარა ნორჩ მოჭადრაკეებთან, და სპორტის დამსახურებული ოსტატი, ალპინისტი ქალი ალექსანდრა ჯაფარიძე, რომელმაც თავისი გამოცდილება გაუზიარა ნორჩ მოგზაურებს.

თავიანთი შეკრების მესამე დღეს ნორჩი მოგზაურები გორს ეწვივნენ და ინახულეს სახლი, სადაც დაიხადა და სავშვობის წლები გაატარა დიდმა სტალინმა. აქ საზეიმო ვითარებაში ჩაიხარეს საქართველოს ნორჩ მოგზაურთა პირველი რესპუბლიკური შეკრებისადმი მიძღვნილი ესტაფეტის 13 დროშა, რომლებმაც ჩვენი რესპუბლიკის თითქმის ყველა ქალაქი და სოფლები შემოიარეს.

ნაშუადღევს გორელმა პიონერებმა გულთბილი შეხვედრა მოუწყვეს სტუმრებს.

18 აგვისტოს ნორჩ მოგზაურთა „ქალაქი“ სალაშქროდ აიშალა. კომპლექსურ ლაშქრობაში ბავშვებმა კარგა ლაშქრული მომზადება გამოავლინეს. ზევრმა მათგანმა „სსრკ ნორჩი ტურისტის“ ნიშანიც დაიმსახურა.

საქართველოს ნორჩ მოგზაურთა პირველი რესპუბლიკური შეკრება ღირსშესანიშნავი მოვლენა იყო მთელი ჩვენი რესპუბლიკის პიონერულ ცხოვრებაში.

6904



კომლექსური ლაშქრობა დაიწყო.



ნორჩი მოგზაურები სალაშქრო კერძს ამზადებენ.



დილა ნორჩ მოგზაურთა „კალაქში“.



ადრეული განთიადი*

ორი დღის შემდეგ კოლიამ თხოვა კირას, — ერთი საათით წუნარად დამჯდარიყო; პროფილში დახატა იგი ალბომის ფურცლის ოდენა ქაღალდზე და პორტრეტი უსასხოვრა. მთლიანი პორტრეტის დახატვას კოლია მაშინ ჯერ კიდევ ვერ ბედავდა. კირას ძალიან მოეწონა პორტრეტი, ოღონდ თხოვა აუცილებლად დაეხატა ხალი, რომლის დახატვაც კოლიამ საკიროდ არ სცნო.

— ოდნავ მაინც მონიშნე, თორემ, როგორ გავარჩიო, ვისი სურათია — ჩემი თუ ნადიასი? — ეჭვიანად ევედრებოდა იგი. — ჩვენ ხომ ცხოვრებაშიც გვრევენ ერთმანეთში.

— კარგი, — დათანხმდა ბოლოს კოლია და სუნთქვაზეკრულმა ფრთხილად შეასო ფანქარი იმ ადგილს, სადაც ხალი უნდა ყოფილიყო, — ოღონდ ძალიან გთხოვ, კირა, არავის არ აჩვენო...

— აბა რას ამბობ — უთხრა კირამ. — ხომ იცი...



ჯარისკაცი (ფანქარი)

შემდეგ კირა და დედამისი ერთი თვით წავიდნენ ყირიში, — ევატორიაში. შეთანხმდნენ, რომ კირა კოლიასა და კატოშას ერთად მოსწირდა წერილებს, თორემ, ვინ იცის, ეგებ დაცინვაც დაეწყოთ.

მაგრამ კოლიას მოთმინება აღარ ეყო, არ დაელოდა წერილს და თვითონ პირველმა მისწერა:

კ ი რ ო ჩ კ ა!

...ეს წერილი თქვენი გამგზავრების მეორე დღესვე დაწერე. სულ მეშინოდა ყუთში ჩავდების, — ვფიქრობდი, ჯერ გზაში იქნებიან-მეთქი. მომწერე, როგორ ცხოვრობთ. აქ სიცხეა. თითქმის ყოველდღე დავდივარ ზოოპარკში და იქ ვხატავ, თორემ ჩვენს მტვრიან ეზოში საშინელი მოწყენილობაა. ყველანი წავიდ-წამოვიდნენ. შინ ჯდომაც მოსაწყენია. ამიტომ ან მთელ დღეს წიგნით ხელში ბულვარში ვატარებ, ანდა ფანქრითა და ქაღალდით ზოოპარკში. უშენოდ მეტისმეტად მომწყინდა. იმდენად, რომ ხატვის შემდეგ, თავისუფალ დროს, ადგილს ვეღარ ვპოულობ. მე და კატია ყოველდღე ვამოწმებთ — ხომ არ არის წერილი შენგან. მე მათ უჩვეულო სიხარბით ველი. კიროჩკა, თუ შენთვის ძნელი არ იქნება, მოგვწერე მე და კათიას ხშირად. ჯერჯერობით ნახვამდის.

22/VI—45.

კოლია.

პასუხი დიდხანს არ ჩანდა. ამოდ ამოწმებდა დღეში სამჯერ კარზე ჩამოკიდებულ საფოსტო ყუთს, ანდა ყოველ ფაჩუნზე აგზავნიდა კატოშას დერუფანში — წერილი ხომ არ მოიტანესო.

კოლია ხშირად იყო ახლა ზოოპარკში, სადაც გულმოდგინედ იხატავდა მხეცებს. ამას წინათ, იგი სავსებით მოაჯადოვა სეროვის ნახატმა მხეცებმა, რომლებიც ტრეტაკოვის გალერეაში ნახა.

ძნელი იყო მისი მოწყვეტა ამ სურათებისაგან, სადაც ორი-სამი, თითქოს დაუდევარი, მაგრამ სინამდვილეში უშეცდომოდ მიგნებული ხაზით გადმოცემული იყო მოძრაობა, და უცებ ჩნდებოდა მხეცის ხასიათი, მისი ჩვევა, მთელი მისი ნაკვთი. ახლა კოლია ცდილობდა ჩასწვდომოდა გადმოცემის საიდუმლოებას, რასაც ასე მოუწვდომლად გრძობდა და გაგრძობინებდა სეროვი, რომელმაც სავსებით მოხიბლა კოლია.

მალე მოსკოვის ზოოპარკის მნახველები და დარაჯები მიეჩვივნენ ჩისხმულ ქერათმიან ბიჭუნას, რომელიც, სადმე გზის პირას მოკალათებული, საათობით იხატავდა თავის ბლოკნოტში ვეფხს, ირემს, დიდი აქანდაზის მსგავს ნისკარტიან ვარხვს, ანდა ბეჰემოტს, რომელიც კოლიას ყოველთვის კონტრბასის ვეება ფუტლიარს აგონებდა. აბა, რითი შეიძლებოდა გადმოგეცა, მაგალითად, ვეფხის ზოლიანი ტყავის კრიალა ატლასისებურობა, რომლის მიღმა იმალებოდა ფარული გააფთრებით აღსავსე მტკიცე, უდრეკი ძალა. როგორ გინდოდა ფანქრით დაგეჟირა დიდი, კატისებრი თვალების მოლუშული გამოხედვა, როდესაც იგი ირიბად უყურებდა მთელი დღე გალიასთან მდგომ უცნაურ ქერათმიან არხუნას! ანდა, აი ლომი, რომელიც სადაც შორს, მნახველების თავებს ზევით იყურებოდა. ბანჯკვლიანი საოცრება, შეჩვეული იმას, რომ, მას ყველანი უყურებენ...

სპილოს დახატვას კოლია არც კი ცდილა: იგი მას მოეჩვენა მეტისმეტად დიდი, ცოცხალი არსებისთვის თითქმის შეუსაბამო. ძნელი დასაჯერებელი იყო, რომ ეს ვეება რამ ცოცხლობდა. ეს სივრცის რაღაც გასულდგმულბული ნაწილი უფრო იყო, ვიდრე ცოცხალი სხეული. სამაგიეროდ ბევრს და ხალხსთ ხატავდა კოლია მსუბუქ ირმებს, მათი დიდი, თითქ-

* დასასრული. იხ. „პიონერი“ № 8.

მის ადამიანური, ფარული შიშით აღსავსე თვალებით. მეტისმეტად იზიდავდა ამ ცხოველების მოხდენილი მოხაზულობანი, რომლებიც ფაქიზად გადმოსცემდნენ მთელი ძარღვების დაძაბულობას.

ხატავდა იგი, აგრეთვე, სასაცილო, მზა კარიკატურების მსგავს მაიმუნებს. და აი, აქ მას ერთხელ მეტად საინტერესო ამბავი შეემთხვა, რომელიც კირასადმი გაგზავნილი კიდევ ერთი წერილის საბაზი გახდა.

„30/VI-46 წელი.

ძვირფასო კიროჩკა!

როგორ ცხოვრობ? მგონია, მოწყენილები არ უნდა იყოთ. აქ აუტანელი სიცხეებია. უკვე ერთი თვეა არ უწვიმია. ქუჩებში მტვერია. გამოვიდა ახალი ფილმი — „ბალერინა“, ძალიან საინტერესო სურათია. მე ახლა ხშირად დავღაპარ ფეხბურთზე კულტურისა და დასვენებას პარკში, ანდა ზოოპარკში. პარკში ერთი ძალიან სასაცილო ამბავი შემემთხვა, რომელსაც, როცა ჩამოხვალ, მოგაუცები ჯერჯერობით ნახვამდის, ვისურვებთ კარგად დასვენებას.

კოლია.

მოიწერე“.

ზოოპარკში კი, აი რა მოხდა: კოლია წავიდა იქ ჩანახატების გასაკეთებლად. ამჯერად თან ახლდა ერთი ძველი ამხანაგთაგანი პიონერთა სახლის სტუდიიდან — ბორია შიგარევი.

ის ცუდი ბიჭი არ იყო, მაგრამ, რომ იტყვიან, ცოტა უჭროდა. ხან ერთ საქმეს მოჰკიდებდა ხელს, ხან მეორეს, და ბოლომდე არაფერი არ მიჰყავდა. ერთი პირობა ხატვას სწავლობდა, ნიჭი ქონდა, მაგრამ მოთმინება არ ყოფნიდა და თავი მიანება იმდენად, რამდენადაც იმ დროისათვის უკვე თევზებით იყო გატაცებული. მოაწყო აკვარიუმი, მაგრამ მალე მოსწყინდა სწავლასხვა შინაური თევზი. არც ბედი სწყალობდა — ეხოცებოდა. ერთხანს პატეფონის ფირფიტების კოლექციებს ადგენდა, რადიოს ადაპტორი გაუკეთა. ოცნებობდა ელექტრო-დასაკრავზე, მაგრამ, მალე ამასაც თავი მიანება. ორიოდე წლის წინ ბორია შიგარევი რაღაც სურათში გადაიღეს. ამ წარმატებამ ყმაწვილს მთლად თავბრუ დაახვია. იგი თავს უკვე გამოჩენილ ადამიანად თვლიდა. მართლაც, ქუჩაში ხშირად ცნობდნენ და ეკითხებოდნენ: შენ ხარ თუ არა კინოში პატარა პარტიზანის როლის შემსრულებელი? კოლია არაერთხელ ეუბნებოდა მას:

— რა ტყუილბრალად მოგაქვს თავი, ბორკა! აბა, შენ რა არტისტი ხარ? ერთხელ გაგიმართლა და ამის შემდეგ თავბრუ დაგესხა. გესწავლა რამე, როგორც სხვები სწავლობენ, თორემ ხომ ხედავ: ეს არ შეგეფერება, ის არ მოგწონს, ეს ხომ არა შენი ნამდვილი საქმე!

— შენ რომ მთელი დღეები ხატავ? — ჯიუტობდა შიგარევი. — ეს რა, შენი ნამდვილი საქმეა?

— მე ხომ ვსწავლობ ამას? — უხსნიდა კოლია. — სკოლაშიც ვმეცადინებო, როგორც ყველა, და შენსავით სხვა საგნებზე ცხვირს არ ვიბზევ.

და მართლაც, ბორია შიგარევი კინოში მეტად აღარ გადაულაოთ იმიტომ, რომ უკვე გაიზარდა და აღარ იყო ისე მომხიბლავად კომიკური, როგორადაც იგი ორი წლის წინ მიიჩნის კინოსტუდიაში. სკოლაში იმავე კლასში დარჩა და ახლა უსაქმობისგან ხანდახან ხატავდა. საღებავების ყიდვას შენ უკვე უარს ეუბნებოდნენ. მაშინ, მან მოახერხა და დათხანა სურათი — „მთვარიანი ღამე ზამთარში“, — ფეხსაცმლის ვაქსით, ფანჯრის საგოწავითა და კბილის პასტით. ამან ისე მოიხყიდა კოლია, რომ ახლა იგი სისტემატურად დაყვავდა



„ცხოველთა მეფე“ (ფანქარი).

ილუსტრაცია ი. კრილოვის იგავარაკისათვის.

ზოოპარკში. ერთად მუშაობა უფრო სახალისოც იყო.

იმ დღეს, ისინი მოეწყვენ დიდ გალიასთან, რომელშიც ერთი ტრაპეციიდან მეორეზე მოუსვენრად ხტოდნენ პატარა პავიანები, მსუბუქად ისროდნენ მოქნილ ტანს გალიის ერთი კუთხიდან მეორეში.

ის იყო, ჩვენი მხატვრები საქმეს შეუდგნენ, რომ მოვიდნენ ვიღაც ბიჭები, — ორნი იყვნენ, — დაუწყეს ჯავრება, ხელისშეშლა:

— ეი, თხუპნიებო... რას დადიხართ ზოოპარკში, სახლშიც შეგიძლიათ მაიმუნები ხატოთ, დაჯექით სარკის წინ და ხატეთ.

კოლია ყურადღებას არ აქცევდა, განაგრძობდა მუშაობას. ხოლო, როდესაც ერთი მათგანი ძალიან ახლოს მივიდა მასთან, კოლიამ უკან მიუხედავად მოიცილა იგი ნიდაყვით. შიგარევეზე ამან ძალიან იმოქმედა. იგი იმ ბიჭების რიცხვს ეკუთვნოდა, რომლებიც მხოლოდ საბაზს ეძებენ დაწყებული საქმის მისატოვებლად. მზიანი დღეა, ძალიან ცხელია, — ამიტომ ვერ მუშაობს; წვიმა წამოვიდა, — ამინდთან ერთად ხსნაითი უფუჭდება, აბა რა დროს მუშაობა! სახელმძღვანელოს ფურცლებზე ბუზი დაჯდა — აბა, როგორ გადაშალოს: გაფრინდება! ამიტომ ბორიამ იმავე წუთს განაცხადა:

— არა, ასე მე არ შემიძლია, ისინი ნერვებზე მოქმედებენ, აღარ დავხატავ: ჯობია შინ წავიდეთ, რაზე გადავეკიდოთ... — და დაიწყო თავისი ნივთების ჩალაგება.

კოლია განაგრძობდა მუშაობას. როცა ნახატი ძირითადად მზად იყო, უკან დაიწია და შეხედა:

— მგონი მორჩა. თუმცა კიდევ ერთი მოსმაა საქირო. — და გულმოდგინედ დაიწყო საღებავებიანი თუნუქის გახსნა. შემდეგ ბოთლიდან წყალი ჩაასხა პატარა შუშაში, ფუნჯი დაასველა.

— შენ რა, საღებავებით დახატვა გადაწყვიტე?

— მინდა ერთი მაიმუნი გავაფერადო. — წყნარად მიუგო კოლიამ.

ის დიდხანს ატრიალებდა ფუნჯს შუშაში. შემდეგ რაღაცას ურევდა ფინჯანზე და უცებ, ერთბაშად შემობრუნებულმა, უფროს ბიჭს ფუნჯი სახეზე გვარდინად გადაუსვა.

— აი, ახლა მზად არის! — თქვა კოლიამ მშვილად.

ბიჭმა, რომელსაც სახეზე ყავისფერი საღებავი მოუსვეს, უნებლიედ უკან დაიხია, ფეხი აუცდა და ზურგით გალიის ბა-



ტროცკური ვთან.
(ილუსტრაცია ა. ზუშინის „ღუბროვსკისათვის“).

დეს მიენარცა. იმავე წუთში ერთ-ერთმა დიდმა პავიანმა გრძელი, ძარღვიანი ხელი ბადიდან გამოყო და ბიჭს ხუთივე თითით თმებში ჩააფრინდა. შეშინებული ბიჭი მთელი ზო-პარკის გასაგონად აღრიალდა. ახლოს არავინ ეკარებოდა. გზაზე უკვე მორბოდა დარავი. მაიმუნი ცოცხით მოაშორეს, ბიჭი გამოათრის. მას თავზე ხელი წაველო, ცრემლებს ჩამორგვსა მის სახეზე საღებავი, რაც ლოყებზე წურწურით, ზოლებად ჩამოსდიოდა. პავიანი უკვე ზემო ტრაპეციაზე ირწეოდა, თითებს შლიდა და სქელი ტუჩების შებერვით იშორებდა ბიჭის თმებს. კოლია კი ჩაცუცქულიყო და ისე ხარხარებდა, რომ ბოლოს თავი ვერ შეიკავა და ქვიშაწყარ ბილიკზე და-გორდა.

აი ამ ამბის შესახებ წერდა იგი კირას. სწორედ ამ დროს მოვიდა წერილი ყირიმიდან. კოლია, მართალი რომ ითქვას, უკვე დიდი ხანია წუხდა... აქ კიდევ უენჩა და ვიქტორინი აჯავრებდნენ, გადაკრულად ელაპარაკებოდნენ, რომ ვითომ ასეთ საქმეებში არავის არ უნდა ენდო.

კოლიამ რამდენჯერმე გადაიკითხა კირას წერილი. მართალია, მასში უფრო მეტად აღწერილი იყო ზღვისა და ყირიმის ბუნების სილამაზე, მაგრამ კოლიას ესმოდა, რომ სხვაგვარად არ შეიძლებოდა. ხოლო, რაცა წაიკითხა, რომ ზღვა მშვენიერია, მაგრამ, მხოლოდ კოლიას შეუძლია ასეთი სილამაზის სა-თანადოდ შეფასება, მან ტკბილად ამოიხვნეშა. შემდეგ უცებ ხელი მოხვია კატას, დაუწყო ნჯღრევა, თმების წიწვა:

— ოხ, კატა, ჩემო ფინტიფლიგა! კარგი ხარ, თუმცა, კი არაფერი გემის.

შემდეგ კირა ვკითხებოდა: ახსოვდა თუ არა კოლიას ის საღამო, რომელზეც ის ფიქრობს ყოველთვის, როდესაც მზე ზღვაში ჩადის...

კოლიამ დაიწყო ბასუხის წერა:
„4/VII-46 წელი.

კ ი რ ო ჩ კ ა!

მე და კატამ მივიღეთ შენი წერილი. ვზივართ და სიამოვნებით ვკითხულობთ. ძალიან გვიხარია შენგან ბარათის მიღება. ჩვენ ხომ უშენოდ საშინლად მოწყენილები ვართ, — ისე, რომ აღარ ვიცით რა ვქნათ. კატა მთელი დღეები ნა-დღეშასთან თამაშობს, მე კი სულ ვკითხულობ, ანდა შენზე ვფიქრობ. რასაკვირველია, ამ მეორეს უფრო მეტ დროს

ვთმობ—ეს გასაგებია. კითხვები, მახსოვს თუ არა ის საღამო. 1946 წლის 14 ივნისის საღამო, მე, ჩემ სიცოცხლეში სულ მემახსოვრება. მე გონია, რომ ის არც შენ არასოდეს არ დაგავიწყდებია... ნახვამდის მოსკოვში შეხვედრამდე“.

გამოცდების დრო

სუსდალცევები აგვისტოსთვის უნდა დაბრუნებულიყვნენ. კოლია მოუთმენლად ელოდა ამ დროს, მაგრამ ამას მოსდევდა მეორე, რომლის გახსენებაზეც პირდაპირ გული ელეოდა. ახლოვდებოდა სამხატვრო სკოლაში შესასვლელი საკონკურსო გამოცდები.

უკვე შეტანილი იყო განცხადება და ყველა სხვა საჭირო საბუთები. ყოველ შემთხვევისათვის მამა წყავა კოლიას სკოლაში, რომ მოლაპარაკებოდა დირექტორს, გაეგო ყველაფერი, რაც გამოცდებს შეეხებოდა. სკოლა იმ დროს პერვომეშანსკაის ქუჩაზე იყო, ორლოვ-დავი-ლოვსკის შესახვევში. მისულებს კარებში ხვდებოდა მაღალი, წვერიანი მეკარე, კეხიანი ცხვირით, რომელსაც, როგორც კოლიამ ბიჭებისაგან გაიგო, ჰუსენის ეძახდნენ. ჰუსენის ძველი უნტერივით გაქი-

მულად ექირა თავი. მან ბრძანებულად გაშალა ხელი, მიუთითა, როგორ უნდა მოხვედრილიყვნენ დირექტორთან, და თან შეათვლიერა ფეოდორ ნიკოლაევიჩი და კოლია. ეს უკანასკნელი, როგორც ჩანს, არც თუ ისე დიდად საიმედო ეჩვენა იმითომ, რომ შეფიქრანებულად გადაიქნია თავი და შემდეგ თავის ადგილზე დაბრუნდა კარებთან.

დირექტორი რაღაცით იყო დაკავებული და ფეოდორ ნიკოლაევიჩს თხოვეს ცოტა ხანს მოეცადა. ისინი იქვე, გრძელ სკამზე ჩამოსხდნენ, რომელიც ამ ივლისის ცხელი დღისათვის კოლიას მეტისმეტად ცივი ეჩვენა. მდელვარებით შეუყურებდა იგი კაბინეტის თეთრ, მასიურ კარებს, რომელზეც შავი მინის ქვეშ მოოქროვილი ასოებით იყო გამოყვანილი „დირექტორი“. შეიძლება ამ კარებს იქით გადაწყვეტილიყო კოლიას ბედი. ორპირმა ქარმა კაბინეტის კარები გააღო. მზის ირიბი სხივი, მასში მოთამაშე მტვრის ნაწილაკებით ჭუჭქრუტანდინ პარკეტის იატაკზე გაწვა. დიდი, ბრინჯაოსფერი ბუზი შეფრინდა სხივში, ერთ ადგილზე აცმუტდა, როგორც პატარა მწვანე მუხუნა, თითქოს ჩაქრა, ისე გაბრწყინდა და უშიშრად შეფრინდა კაბინეტში. კოლია ინტერესით ადევნებდა ოვალს, რა იქნებოდა შემდეგ. ბუზი, ვითომც აქ არაფერიყო, გამოფრინდა დირექტორის კაბინეტიდან. კოლიას შემურდა კიდევ: „აი, ეს არაფრად აგდებს, მე კი აგერ ვზივარ და ვიტანჯები...“.

მაღე ფეოდორ ნიკოლაევიჩს თხოვეს დირექტორთან კაბინეტში. კოლია მარტო დარჩა. მამა მაღე გამოვიდა და თქვა, რომ საბუთები მიღებულია, ყველაფერი წესრიგშია, მაგრამ დირექტორმა გააფრთხილა, რომ ამ წელს შესვლის მსურველთა რიცხვი ისე დიდია, როგორც არასდროს, და ამიტომ ძალიან სერიოზული კონკურსი იქნებაო.

როცა ისინი უკვე გამოდიოდნენ, მეკარე მიუახლოვდათ. მას ეცვა მოოქროვილი დიღებით გაწყობილი თეთრი ფრენჩი, და ოქროს სირმამოვლებული ქუდი ეხურა. „ჰუსენი! ჰუსენი!“ ეძახდნენ ბიჭები შესახვევის მეორე მხრიდან, მაგრამ მას წარბიც არ შეუხვია. უღვაშები შეათამაშა, ზევით აიპრია, კოლიასკენ დაიხარა და ფეოდორ ნიკოლაევიჩს მასზე მიუთითა.

— შემოდის? — იკითხა მან.



— დახ, ფეიქრობთ. — უთხრა ფეოდორ ნიკოლაევიჩმა. ჭუსენიმა ყოველგვარი მოწონების გარეშე ერთხელ კიდევ შეთვალეირა კოლია და მკაცრად ჩაახველა. მას საერთოდ უყვარდა საუბარი მომსვლელებთან. იგი უკვე რამდენჯერმე გადაიყვანეს ერთი ადგილიდან მეორეზე, — იმდენად მობზნა უკვე თავი ყველას თავისი კითხვებითა და ცნობისმოყვარეობით. საკმარისი იყო, ვინმე მოსკოვში პირველად მყოფ გზადაბნეულს ეკითხა წარმოსადგეი, ავტორიტეტული შესახედანობის ჭუსენისათვის, სად შეიძლება განცხადების შეტანა დაკარგული საბუთების შესახებო, რომ შეკარე უმაღლე იწყებდა გრძელ, გაუთავებელ საუბარს:

„დაგეიკარგა? ოხ, ღმერთო ჩემო! მითხარი, თუ ღმერთი გწამს!.. მოგპარეს?... დახე რა ამბავი მომხდარა! ფული არ გქონდა?... აბა? ფულთან ერთად? ფუი, რა უბედურებაა! ფული ბევრი იყო?... ოცდათორმეტი მანეთი? მერე რა, ესეც ხომ ფულია? აბა, ცადი ქუჩაში და ეძებე — ვინ მოგცემს! კიდევ რა იყო?... ცნობა. რისი ცნობა?... მმარის? ამას არა უშავს, მოგცემენ.“

ახლა იგი იქვენულად შეყურებდა ორივე დმიტრიევს. — როგორც ჩანს, გადაგიწყვეტიათ კონკურსში მონაწილეობის მიღება? — იკითხა ჭუსენიმა და უღვაშები შეათამაშა. მას ხანდახან უყვარდა მშობლების შეშინება, რომ ამ უკანასკნელებს კარგად შეეგნოთ, სად მოყავდათ თვინათი პირმშობები. — ხელი გყავთ? — კითხა მან ფეოდორ ნიკოლაევიჩს და მისკენ დაიხარა...

კოლიამ გაცემით შეხედა მას, ის იყო დააპირა მუდამ მელანსა და საღებავებში დახვრილი ხელის აწევა, მაგრამ უმაღლე შერცხვა და ხელი ზურგს უკან დამალა.

— მე გეკითხებით, დამხმარე თუ გყავთ-მეთქი? აქ ხომ უამრავი მსურველია, ადგილი კი ერთი—ორი.

როცა მიხვდა რაშიც იყო საქმე, კოლიამ მწყრალად შეხედა უღვაშებთან მეკარეს და მამა კარბისკენ მოქაჩა.

შინ მაინც გადაწყვიტეს, რომ ზედმეტი მხარდაქერა საქმეს ხელს არ შეუშლის, მით უმეტეს, თუ ის კანონიერია და სამართლიანი. მამამ შეაკროვა კოლიას ბოლოდროინდელი ნამუშევრები და ძია ვალოდისთან წავიდა.

— აბა, როგორაა შენი სეროვი? — იკითხა ვლადიმერ ვლადიმეროვიჩმა, როგორც კი ბიძაშვილი დაინახა.

— მისმინე, ვალოდია, მისი თანდასწრებით მაინც წუ ეძახი ასე. ის ძალიან მორცხვია, თავდაბალი, შენ კი გააფუჭებ.

— იმის გაფუჭება შეუძლებელია, გესმის! — უთხრა ძია ვალოდიამ. და მხატვარმა ინტერესით დაუწყო თვალეირება მის ნამუშევრებს. — აბა, ერთი ამას დახედეთ როგორ იზრდება! ეს ხომ საოცრებაა! ლიოვა, მოდი აქ. ყველანი მოდით, შეხედეთ ჩვენი სეროვი როგორ გაზრდილა.

იგი ოთახში დააბიჯებდა, აქებდა კოლიას ნახატებს, სურათებს ისევე მაგიდაზე ყრიდა და ყველას უყვიროდა:

— თქვენ, რა გესმით! ტიტანი იზრდება, თქვენ კი ამბობთ „არ გააფუჭო!“! განა შეიძლება მისი გაფუჭება საერთოდ? და რად სჭირდება მას ჩემი რეკომენდაცია. მაგრამ ინებეთ! როგორც ამბობენ, ფაფას ერბოთი ვერ გააფუჭებ. დიდი სიამოვნებით მივცემ, წმიდა გულით და წმიდა სინდისით, და არა იმიტომ, რომ ნათესავია.

იგი მაგიდას მიუჯდა, ამოიღო მოსკოვის სამხატვრო თეატრის ბლანკი, გარდიარდში გაწოლილი თეთრი თოლით და სწრაფად ააკაჟუნა საბილ მანქანაზე.

„საშუალო სამხატვრო სკოლის დირექტორს! გთხოვთ. მიიღოთ თქვენს სკოლაში ჩემი ბიძაშვილის შვილი ნიკოლოზ დმიტრიევი, 13 წლის, რომელიც მეკადინებოდა ბავშვთა სამხატვრო სკოლაში, აგრეთვე, პირადად ჩემთან ოა, როგორც მე მიმარჩნია. გამოაღვინა დიდი მხატვრული ნიჭი.“

სამხატვრო თეატრის მთავარი მხატვარი, სტალინური პრემიის ლაურეატი, ხელოვნების დამსახურებული მოღვაწე.

ვ. დმიტრიევი.
7/VII—1946 წელი“.

ფეოდორ ნიკოლაევიჩი ფრად კმაყოფილი დაბრუნდა შინ ამ წერილით. ალისფრად ანთო კოლიას ლოყები რეკომენდაციის წაკითხვისას. შემდეგ ერთხელ კიდევ გადაიკითხა ის თავიდან ბოლომდე, ყურადღებით ჩათვალეირა თეთრი თოლიდან მხატვრის ხელმოწერამდე — შეხედა დედ-მამას...

— გამაღლობთ, მამა,—რბილად, თითქოს ეშინია არ აწყენინოსო, და ამავე დროს წარმოუდგენელი სიმტკიცით, რაც მის მიერ თხოვნის კოლოთი წარმოთქმულ სიტყვებში გამოკრთა, წარმოთქვა მან, — მე არც კი მოველოდი, თუ ძია ვალოდია ჩემზე ასეთი კარგი წარმოდგენისა იყო. სინდისს გეფიცებ, შესანიშნავია! ოღონდ ეს წერილი დაე ჩვენთან დარჩეს... მოივია!.. მათქმევიწე... თუ მე მართლა ისეთი ვარ, როგორც ძია ვალოდია ფეიქრობს, მაშინ ყოველგვარი წერილის გარეშე ჩავაბარებ. ხოლო თუ ძია ვალოდია შეცდა, ჯობია ახლავე გავიგოთ სიმართლე. თორემ მერე, მომავალში შემექნება საქმე სატირლად. არ წავიღებ მე ამას! — ვაიმეორა მან, ჯიუტად გააქნია თავი, წერილი ლამაზად გაკეცა და კონვერტში ჩაღო.

ასევე დარჩა ეს წერილი შინ, კოლიამ იგი შეინახა იმ საქალღლეში, სადაც მის საუკეთესო ნახატებთან ერთად ინახებოდა სკოლაში მიღებული ქვების სიგელი.

თარგმნა ბ. შელიძემ



მოსკოვის ქუჩა (აკვარელი)



ოთარ შოჭავაძე

ცნობილი ქართველი პოეტი პაოლო იაშვილი საქართველოში საბჭოთა ხელისუფლების დამყარების დღიდანვე თავისი შემოქმედებით პირნათლად ემსახურებოდა ახალ, სოციალისტურ სამშობლოს. მისი ცნობილი ლექსები: „ლენინ“, „სტალინი“, „ახალ საქართველოს“, „თბილისი“, „სამგორისათვის“, „ახალ კოლხიდას“ და სხვ. უმღეროდნენ დიდ ბელადებს, სამშობლოს, დიდ სოციალისტურ მშენებლობას, განახლებულ საქართველოს:

„ლექსად იქცევა, რაც გამიტაცებს...
მე ვხედავ ხალხის შეტევას გმირულს...“.

პაოლო იაშვილის კალამს ეკუთვნის აგრეთვე დიდი რუსი პოეტების — პუშკინისა და მაიაკოვსკის ლექსების ბრწყინვალე თარგმანები.

წელს „სახელგამი“ გამოსცემს პაოლო იაშვილის ლექსების ერთტომეულს, სადაც შეტანილია საბავშვო ლექსებიც. ვბეჭდავთ ერთერთ მათგანს.

მოიტანა მამამ ავტო,
უბუნზინო და უნავთო;
გრძელი არის, ჭრელი არის,
საგზაო და საადმართო.

უთხრა ოთარს: „ჩემო ოთარ!
აბა, ახლა, თუ ივარგე,
ეს მანქანა უნდა მოოთო
და გაწმინდო როგორც სარკე“.

ოთარს ძლიერ უხარია,
გაიძახის: „ეს რა ვნახე!“
ზამთარში რომ ბუნხარია,
ისე ელავს მისი სახე.

სულ პატარა კარავში
გააკეთა გარაჟი,
და პატარა მანქანა
გარაჟში შეაქანა.



დაუწმინდა პედლები,
აქეთ-იქით არხია,
გაუკეთა ის თვლები,
ფარებს რომ ეძახიან.

ჩამოჰკიდა წინ და უკან
მეთორმეტე ნოჰერი...



— აბა, დედა, ჩქარა „ხუგა“,
დაიღალა მშრომელი!

გამოვიდა ქუჩაში,
დააჭირა პედალი
და გასრისა დედალი.

გამოვარდა მამალი,
ტირის,
ყვირის,
ყვირის,
ტირის:
„სად ვიშოვო წამალი,



სად ვიშოვო იოდი,
სად ვიშოვო სახვევი?!
აქეთ რომ მოდიოდა,
იქით ვერ გადახვედი?“

გამოცვივდნენ ბავშვები,
ხმაურია ძლიერი,
ალარ არის საშველი,
მოდის მილიციელი...

მამალს მოდის ღვარ ღვარად
ცრელი შეუშრობელი...
აბა ოქმი, ოქმი ჩქარა!
რომელია შოფერი?

შეადგინეს დიდი ოქმი,
ჩაერივნენ ყველანი...
ოქმს დასჭირდა ერთი ღოჭი
იისფერი მელანი.

მერე ქათამს უჭაქანეს,
ეძახოდნენ: „აქში, აქში!“
დედალი კი გააქანეს
ჩვენი უბნის აფთიაქში.

დედლისათვის თურმე ფეხი
მოეტეხა ბოროტ პედალს;



მოიტანეს წმინდა ხერხი
და მოხერხეს ფეხი დედალს.


ასე მოხდა.. ამის გარდა
ასეც მოხდა მკათათვეში:
სასამართლო გაიმართა
კოჭლი დედლის საქათმეში.

გაიმართა ლაპარაკი,
ლაპარაკი ლაპარაკზე,
მოითხოვეს აგარაკი:
„გაიგზავნოს აგარაკზე“.

დაადგინეს: „რადგან, რაკი
უფიცობა აღიარა,
დედლისათვის აგარაკი
აირჩიოს,—სხვა კი არა,—

ან კოჯორი, ან კიკეთი,
ლაუმზადოს სუფთა ხრეში,
აურიოს ქერში ფეტვი
და აჭამოს სამკურ დღეში“.

მიჰყავს ოთარს, აღარ იცდის,
დედალი და მისი ბუდე...
მე კი ოთარს შეცდომისთვის
ერთი კვირით გაეუბუტე-



მონღოლური ხალხური ზღაპარი



ვინ უფროსია?

მგელმა და მელიამ გზაზე ლორის ნაჭერი იპოვეს.
— მოდი შევსანსლოთ, — უთხრა მგელმა.
— აბა რას ამბობ, — უპასუხა მელიამ, — აქ როგორ შე-
იძლება გაჩერება, ვერა ხედავ, რამდენი გამგელ-გამომე-
ლელია, გინდა სული გაგვაფრთხოხობინონ?
— მაშ რა ვქნათ, — დალონდა მგელი, — ხომ არ გადა-
ვავლებთ?
— ავიტანოთ აი, იმ მთაზე და დამშვიდებით შევექცეთ!
მთაზე რომ ავიდნენ მგელმა უთხრა:
— მოდი, შუაზე გავიყოთ.
— ასეთი პატარა ნაჭრის გაყოფა არცა ღირს, — უპა-
სუხა მელიამ. — ერთ-ერთმა შევჭამოთ.
— მართალია! — უთხრა მგელმა. — მოდი, მე შევეჭამ.
— ვინც ჩვენში უფროსი იყოს, იმან შეჭამოს, — უპასუხა
მელიამ, — რამდენი წლისა ხარ?
„ოჰო! — გაიფიქრა მგელმა. — ახლა კი ოინს ვუჭამ ამ
მწითურ მელასო“.
— მე, ჩემო დაია, ძალზე მოხუცი ვარ, — აწყაფწყავდა
მგელი, — აღარც კი მახსოვს რამდენი წლისა ვარ, სათვალა-
ვი ამერია. ის კი მახსოვს რომ, როცა დავიბადე, აი, ეს მთა
ჭაობის კოლბოხის ოდენაც არ იყო. ოკეანე კი პატარა გუბე-
სავით იდგა.
შელამ რომ ეს პასუხი მოისმინა, ამოიკვნესა და ტირი-
ლი მორთო.
„ძალიან საქმე არ ვუყავი! — გუნებაში უხაროდა მგელს.
— რამდენიც არ უნდა იტირო, ეს ლორი მაინც ჩემია!“
— რა დაგემართა, დობილო? — ჰკითხა მან მელიას. —
კინ გაწყენინა?
— არავისაც არ ვუწყენინებია! — შეჰკვნესა მელიამ.
— შენმა ნათქვამმა ამაღელვა, ჩემი განსვენებული უმცროსი
ვაჟი გამახსენდა. სწორედ შენი ტოლი იყო, ერთ წელს ხართ
დაბადებული.
თქვა თუ არა ეს, მელიამ თათებში მოივლო ლორი და გე-
მოზე შეექცა. მშვიერი მგელი კი კულამოძუებული გაიძურწა
თავისი ბუნავისაკენ.

თარგმნა მეთევან ნადირაძემ

ჩვენი ახალგაზრდა პოეტები

ოთარ შალაშვილი

გვეგებებიან სკოლები

დავტოვეთ ლურჯი გორები,
ის მშობლიური გორები;
დავტოვეთ დედა ბუნების
მშვენიერება უმეორები;
დავტოვეთ ვრცელი ტყეები,
ზურმუხტოვანი მინდვრები;
დიდი სიმღერით მოვდივართ,
სულ დიდ სიხარულს გპირდებით!...
კვლავ მონდომებით სწავლა
ჩვენი ფიქრი და ოცნება;
ჩვენი ფიქრი და ოცნება
ფითყენ მიიტყორცნება.

მოვდივართ, მოვდივართ,
ცას წვდება ხმა დაფაფის,
გვეგებებიან სკოლები
ახალ-ახალი დაფებით;
გვეგებებიან სკოლები
ახალ-ახალი მერხებით.
მერხებს, — განუყრელ მეგობრებს
გულის ფრიალით შევხვდებით!..
დავტოვეთ დედა-ბუნების
მშვენიერება უმეორები!...
გვეთხოვებიან გორები,
გვეგებებიან სკოლები.

ოთარ კვარაცხელიძე

კომკავშირელი გავხდები მე

შემისრულდება მალე თითხმეტი,
გული ამ ფიქრით ხარობს.
წამოვიზარდე, ვერაფერს მეტყვის
ისევ პატარა ხარო!
გულით შევხარი მშობლიურ მხარეს,
ღამაქვს ოცნება ტკბილი:

კომკავშირელი გავხდები მალე,
წინ უფრო მედგარად ვივლი.
მტკიცედ დავიცავ მის წმინდა სახელს,
დრომას ამაყად აწვდილს, —
როგორც დღეს ვიცავ წითელ ყელსაწვეს—
წითელი დროშის ნაწილს!

პასილ სვირნიძე

ბაღადა კომუნარა



ცხოვრებას ფიქრობდა
ის სხვისი ოფლით,
ქურდი და უქნარა,
შემრცხვენი სოფლისა!
და ერთხელ ნაპარავ
ტომარით, ღამე,
შიშისგან შემკრთალი
ითვლიდა წამებს.
მას ღამის წყვილი
აძლევდა იმედს

და ზურგით ხორბალი
მიჰქონდა მიმედ.
და აი, შემთხვევით
გზის პირას, ვერხვთან,
პატარა ბიჭუნას —
პიონერს შეხვდა.
რომ მისი ამბავი
არ ეთქვა არსად,
ჯერ სცემდა, სტანჯავდა
ჯალათის მსგავსად.
ბოლოს კი ცბიერმა
მისთვის თავს იღვა:
ხვალ ველოსიპედის
უთუოდ ყიდვა.
მაგრამ ქურდბაცაცა
ვერაფერს გახდა,
მამაცმა ბიჭუნამ
დატოვა სახტად, —
მან მისი ქურდობა
აცნობა ყველას,
საქათმის კარებზე
მიუსწრეს მელას:



და განთიადისას
შეიპყრეს ქურდი,
ღამით რომ სოფლიდან
გაპარვა სურდა.
შეიპყრეს ბაცაცა,
უქნარა, ფლიდი,
და უთხრეს პიონერს
მადლობა დიდი.

თარგმნა ალ. ბეგაშვილმა

მარსკვლავები

უამრავი ვარსკვლავებით მოჭედილი ცის მშვენიერი სურათი მუდამ იპყრობდა ადამიანის ყურადღებას. ჯერ კიდევ ძველად, ცაზე უწესრიგოდ მიმოხეულ ამ მოციმციმე სხეულებს შორის, განსაკუთრებით აღნიშნავდნენ ყველაზე მეტად მოკაშაშავე ვარსკვლავებს, მათი რიცხვი არც თუ ისე დიდი, ვარსკვლავიანი ცის მთლიან პანორამაში ეს დიდი ვარსკვლავები ქმნიან ერთბაშად შესამჩნევ ცალკეულ ფიგურებს — ვარსკვლავთა ჯგუფებს — ვარსკვლავედებს. ძველი დამკვირვებლის გულუბრყვილო ფანტაზია ვარსკვლავთა მიერ შექმნილ ამ ცალკეულ ფიგურებში ზედადა ცხოველების, მითითური გმირების თუ საგნების მსგავსებას. ამის გამო ვარსკვლავებს არქიმედენენ: დათვის, ლომის, ვეშაპის, კუროს, ჰერკულესის, პერსეის, ორიონის, შვილდოსანის და სხვათა სახელებს.

ასეთი სახელები უცნაურად გვეჩვენება, რადგან ვარსკვლავედებში ვარსკვლავთა განლაგება სრულებითაც არ მოგვაგონებს იმ ცხოველის თუ საგნის ფორმას, რომელთა სახელებიც მათ მიაკუთვნეს. მაგალითად, ყველასათვის ცნობილი ვარსკვლავედები დიდი და პატარა დათვისა, უფრო მეტად მოგვაგონებს კოვზის ან ტაფის ფორმას, ვიდრე დათვის გარეგნობას.

მიუხედავად იმისა, რომ ეს სახელები ფანტასტიკია, მაინც შენარჩუნებულია და ხმარებაშია, რადგან მეცნიერებისათვის მნიშვნელობა არა აქვს იმას, თუ რას დაეარქმევი ამა თუ იმ ვარსკვლავთ ჯგუფს. დღესათვის ჩრდილოეთ და სამხრეთ მთელი ცა დაყოფილია 88 ცალკეულ მიდამოდ — ვარსკვლავედად. დღევანდელი გაგებით ვარსკვლავედი წარმოადგენს არა ვარსკვლავების ცალკეულ კრებულს, არამედ ცის გარკვეულ უბანს, რომელიც შეიცავს ამ არეში არსებულ ყოველ ციურ სხეულს. მთელი ცის ასე ცალკეულ უბნებად დაყოფა აადვილებს ვარსკვლავების შესწავლის საქმეს.

ყოველი ყურადღებიანი დამკვირვებელი შეამჩნევს, რომ ცის გუმბათი, მასზე მიმოხეული ვარსკვლავებით, ბრუნავს აღმოსავლეთიდან დასავლეთისაკენ ისე, რომ ვარსკვლავთ შორის მანძილები არ იცვლება და მათგან შექმნილი ვარსკვლავედების ფორმაც უცვლელი რჩება.

ჩრდილოეთ ცაზე შეამჩნევთ, რომ ყველა მოძრავ ვარსკვლავთა შორის ერთი ვარსკვლავი — პატარა დათვის კულის ბოლო ვარსკვლავი — უძრავად დგას. ის არ იღებს ცის გუმბათის დღეღამურ ბრუნვაში მონაწილეობას. მას პოლარული ვარსკვლავი ეწოდება. დამკვირვებლის თვალის პოლარულ ვარსკვლავთან შემადგენელი სწორი იქნება ის მიმართულება, რომელსაც უწოდებენ სამყაროს ღერძს და რომლის გარშემოც სდებდა მთელი ზილული ცის დღეღამური ბრუნვა.

ვარსკვლავებით მოჭედილი ცის ჩვენს მიერ შემჩნეული ბრუნვა მოჩვენებითია. ცის თაღის ასეთ მოჩვენებითი ბრუნვის ჭეშმარიტი მიზეზი თვით დედამიწის თავის ღერძის გარშემო ბრუნვაშია.

ყოველმა მოსწავლემ იცის, რომ დედამიწა სრულ შემობრუნებას თავის ღერძის გარშემო ერთ დღეღამეს უნდება. ბრუნვა დასავლეთიდან აღმოსავლეთისაკენ ხდება და ჩვენ, დედამიწაზე მცხოვრებთ, გვეჩვენება, თითქოს ჩვენ კი არა (დედამიწა), ცის გუმბათი ასრულებს დღეღამურ ბრუნვას და ისიც საწინააღმდეგო მიმართულებით — აღმოსავლეთიდან დასავლეთისაკენ. ჩვენ გვეჩვენება ეს მოძრაობა ისევე მცდარად, როგორც სწრაფად მოძრავი მატარებლის ფანჯარასთან მყოფ მგზავრს ეჩვენება, თითქოს ის კი არა, პირიქით, მის გარშემო ზილული მიდამო და საგნები მიჰქრებიან

და სტოვებენ მას. მაშასადამე, ცის დღეღამური ბრუნვა მოჩვენებითი მოვლენაა — ცა სინამდვილეში უძრავია.

აბსოლუტურად უძრავია თუ არა ციური სხეულები — ვარსკვლავები?

რა თქმა უნდა, არა. ყოველ ვარსკვლავს სინამდვილეში აქვს საკუთარი მოძრაობა. ყოველი ვარსკვლავი დიდი სიჩქარით მიჰქრის სამყაროს სივრცეში, მაგრამ მათი ჩვენგან დიდი სიშორის გამო ამ მოძრაობას ვერ ვამჩნევთ. ვარსკვლავთ ხილული გადაადგილება ცაზე იმდენად უმნიშვნელოა, რომ ათეული წლების მანძილზე ისინი შეიძლება უძრავი წერტილებად ჩავთვალოთ.

ვარსკვლავები სიკაშაშაის მიხედვით დაყოფილია ვარსკვლავურ სიდიდეებად. მაგალითად, კაშაშა ვარსკვლავს — ალდებარანს — პირველი სიდიდისას უწოდებენ. ამ ვარსკვლავთან შედარებით 2,5-ჯერ უფრო სუსტად მოკაშაშავე პოლარულ ვარსკვლავს მეორე ვარსკვლავურ სიდიდისას უწოდებენ, ხოლო ამ უკანასკნელზე — პოლარულზე — 2,5-ჯერ უფრო სუსტად მოკაშაშაშს, მესამე სიდიდის ვარსკვლავს უწოდებენ, და ა. შ.


დამიანის ჯანსაღ თვალს უმთავრო, კარგად მოწყენილი ღამით შეუძლია შეამჩნიოს მეექვსე სიდიდის ვარსკვლავი. დღევანდელი დიდი ტელესკოპები ამჩნევენ 21 სიდიდის ვარსკვლავებს. ამ მეტად სუსტი ვარსკვლავის სიკაშაშაშ ას მილიონჯერ ნაკლებია პირველი სიდიდის ვარსკვლავის სიკაშაშაშთან შედარებით.

ვარსკვლავთ ხილული სიკაშაშაის მიხედვით მათი ამგვარი კლასიფიკაცია არაფერს გვეუბნება იმის შესახებ, თუ რამდენად კაშაშა ვარსკვლავი სინამდვილეში, რადგან არ ვიცით რა მანძილზეა იგი ჩვენგან. იმისათვის, რომ ვარსკვლავების ჭეშმარიტი სიკაშაშაშები, სიდიდეები და სხვა მონაცემები გავიგოთ, საჭიროა ვიცოდეთ მანძილები ამ ვარსკვლავებამდე ჩვენგან.

კაცობრიობამ XVIII საუკუნემდე თითქმის არაფერი იცოდა ვარსკვლავების შესახებ. პირველად დიდმა მეცნიერმა ნიუტონმა მის მიერ აღმოჩენილი გსოფლიო მიზიდულობის კანონის გამოყენებით დამტკიცა, რომ ვარსკვლავები რამდენიმე ათასჯერ უფრო შორს არიან დედამიწიდან, ვიდრე მზე, და ისინი ისეთივე გავრვარებული, ფეითმნათი ციური სხეულებია, როგორც ჩვენი მზეა. მაშასადამე, ვარსკვლავები მზესავით ცხელი თვითმნათი სხეულებია და რამდენიმე ათასჯერ უფრო შორს არიან ვიდრე მზე. მაგრამ რამდენ ათასჯერ უფრო შორს? ასეთი უზარმაზარი მანძილის გაზომვა 1838 წელს დიდმა მეცნიერმა ბესელმა შეძლო. მან ერთერთ ვარსკვლავამდე მანძილის სიდიდე განსაზღვრა. ბესელმა მეტისმეტად ზუსტი ასტრონომიული დაკვირვებებით გაზომა ეგრეთფოდებული ვარსკვლავთ პარალაქსი, ესე იგი ის მცირე კუთხე, რომლითაც ვარსკვლავიდან გამოჩნდება დედამიწის ორბიტის რადიუსი.

წარმოვიდგინოთ (ნახ. I) S წერტილში — მზე, M წერტილში — ვარსკვლავი და, ვთქვათ, დედამიწა ABC მრუთი მზეს წელიწადში ერთხელ შემოუვლის გარშემო. ცხადია, A წერტილიდან B წერტილში მისვლას დედამიწა ნახევარ წელიწადს მოანდომებს. თუ ასტრონომმა ზუსტი დაკვირვებით მოახერხა A და B წერტილებში დედამიწის დგომის დროს განსაზღვრა კუთხისა, ე. ი. თუ გამოითვლა π პარალაქსის რიცხვითი სიდიდე, მაშინ AMS სამკუთხედიდან უფროსი კლასის მოსწავლესაც კი შეუძლია

მარტივად გამოანგარიშოს ვარსკვლავმდე A M მანძილი, რადგან ცნობილია, რომ მზემდე AS მანძილი 150 მილიონ კილომეტრს უდრის.



ნახ. 1.

ასეთი და სხვა ახალი მეთოდებით დღეს გამოთვლილია მრავალი ათასეული ვარსკვლავის პარალაქსი.

ნახაზიდან ცხადია, რომ პარალაქსი მით უფრო დიდია, რაც უფრო ახლოსაა სხეული ჩვენთან. ვარსკვლავთ შორის ყველაზე დიდი პარალაქსი აღმოაჩინდა სუსტ ვარსკვლავს, პროქსიმა ცენტავრას. პარალაქსის ასეთი რიცხვითა სიდიდეს გამოანგარიშებით გვაძლევს ორმოც ბილიონ (40.000.000.000.000) კილომეტრს, ესე იგი იმ მანძილს, რაც ჩვენ გვაშორებს ვარსკვლავთ შორის ამ უახლოეს ვარსკვლავს. ეს მანძილი 272000-ჯერ უფრო მეტია ვიდრე მზესა და დედამიწას შორის არსებული მანძილი. ამ მანძილის უკეთ გააზრებისათვის მოვიყვანოთ მაგალითი:

წარმოვიდგინოთ, რომ არსებობს ისეთი თვითმფრინავი, რომელიც საათში 300 კილომეტრის სიჩქარით შეუჩერებლად იფრენდა ამ ვარსკვლავის მიმართულგზით. ასეთი თვითმფრინავი 1521000 წლის შემდეგ მიფრინდებოდა ვარსკვლავ პროქსიმა ცენტავრამდე.

პროქსიმა ცენტავრას დასახვა შეიძლება დედამიწის სამხრეთ ნახევარსფეროდან. ჩვენს ცაზე, დედამიწის ჩრდილოეთ ნახევარსფეროდან ყველა ცნობილ ვარსკვლავთა შორის ყველაზე ახლო და კაშკაშა ვარსკვლავი სირიუსია და ის ოთხმოცდასამი ბილიონი (83.000.000.000.000) კილომეტრითაა დაშორებული დედამიწიდან. შევეცადოთ ამ მანძილის წარმოდგენას შემდეგნაირად: ვთქვათ, თბილისიდან მოსკოვამდე გავაბით ობობას წმინდა ძაფი. მთელი ამ ძაფის წონა 30 გრამს არ აღემატება, ხოლო დედამიწიდან მზემდე 150 მილიონი კილომეტრის სიგრძის ასეთი ძაფი სამი ტონა იქნებოდა. მაგრამ ასეთივე ძაფს თუ წარმოდგენით გავაბამდით

ვარსკვლავ სირიუსამდე, ის აღწერიდა 1.660.000 კილომეტრით შორს რომ ყოფილიყო ჩვენთან, მაშინ ასე ვერ გავგანათებდა და გავვათბობდა, ის გამოჩნდებოდა ძალიან ერთი სუსტად მოკაშკაშე ვარსკვლავი.

ვარსკვლავ სირიუსიდან სინათლის სხივი დედამიწაზე 8,6 წლის შემდეგ აღწევს. ასტრონომიაში ამ უზარმაზარ ვარსკვლავთშორისო სივრცეების საზომ ერთეულად შემოღებული იქნა ვერტეზოდებული „სინათლის წელიწადი“, ესე იგი ის მანძილი, რასაც სინათლის სხივი წელიწადში გაივლის. როგორც ცნობილია წელიწადი შეიცავს 31 მილიონზე მეტ წამს, ხოლო სინათლის სიჩქარე წამში 300.000 კ. მ. უდრის. მაშასადამე, სინათლის სხივი წელიწადში გადის 31 მილიონი X 300000 კილომეტრზე, რაც 9.463.000.000.000 კილომეტრს უდრის.

აი, ზოგიერთი კაშკაშა ვარსკვლავი, რომელთა დაშორება დედამიწიდან „სინათლის წლებშია“ მოცემული:

ვარსკვლავების სახელები	მანძილი „სინათლის წლებში“
პროქსიმა ცენტავრა	4,3
სირიუსი	8,6
პროციონი	10,5
ალტარი	16
ვეზა	26
პოლუქსი	32
კასტორი	43
კაპელა	52
ალდებარანი	59
რეტული	63
სპიკა	230
ბეთელგეიზე	270
ანტარესი	340
რიგელი	470
დენები	650

უადრესად ძლიერი თანამედროვე ტელესკოპებით დღეს ჩვენ ვამჩნევთ ისეთ შორეულ მანათობს, საიდანაც სინათლის სხივი დედამიწაზე მოსვლას ათ მილიონ საუკუნეს ანდომებს. ეს რიცხვი შეიძლება ჩაითვალოს დღეისათვის ცნობილი სამყაროს რადიუსად, თუმცა, საქმარისა შეიქმნას არსებულთან შედარებით რამდენადმე ძლიერი ტელესკოპი, რომ ცნობილი სამყაროს რადიუსი უფრო მეტად გაიზარდოს.

მაშასადამე, ვარსკვლავს არა ისეთს ვხედავთ, როგორც ის დაკვირვების მომენტშია, არამედ მას ჩვენ ვხედავთ ისეთს, როგორც ის იყო იმ მომენტში, როცა მისგან წამოვიდა სინათლის ის სხივი, რომელმაც მხოლოდ ახლა მოაღწია ჩვენამდე, რაც უფრო შორსაა ვარსკვლავი, მით უფრო გვიან წოდის ჩვენთან სინათლის სხივი, ამის გამო ხილული სამყარო არ მიეკუთვნება დროის ერთსა და იმავე მომენტს. გამოდის, რომ სამყაროს არათანამედროვეს, არამედ მის წარსულ მდგომარეობას ვაკვირდებით და ვსწავლობთ.

გვეონია, რომ სუსტად მოკიაფე ურიცხვ ვარსკვლავთა დათვლა შეუძლებელია, მაგრამ ასტრონომებმა დიდი ხანია შეუთარაღებელი თვლით ხილული ვარსკვლავების რაოდენობა გამოარკვიეს. ნორმალური მხედველობის ადამიანს დედამიწის ჩრდილოეთ, ან სამხრეთ ნახევარსფეროდან უმთავრად და უნისლო ღამით შეუძლია დაინახოს 3000 ვარსკვლავამდე, ყველა ეს ვარსკვლავი ცნობილია. განსაზღვრულია ცაზე მათი ადგილმდებარეობა და თვითნაირი სახელებით შეტანილია სპეციალურ წიგნებში — ვარსკვლავთ კატალოგებში. მაგრამ შეუთარაღებელი თვლით ხილული ვარსკვლავების რაოდენობა ხომ საოცრად მცირეა სამყაროში არსებულ ვარსკვლავთ რაოდენობასთან შედარებით. საქმარისა ცას დურხინდელი გავხელოთ და რამდენიმე ათეულჯერ მეტ ვარსკვლავს დავინახავთ, ვიდრე შეუთარაღებელი თვლით. დღევანდელი ძლიერი ტელესკოპებით შემჩნეულ ვარსკვლავთა

რაოდენობა კი ათეულ მილიონებს აჭარბებს. ჩვენი მზეც ვარსკვლავია და, ცხადია, ურიცხვ ვარსკვლავთა შორის იგი ყველაზე უკეთაა შესწავლილი მისი სიახლოვის გამო.

გავიხსენოთ, რომ მზის მასა 330000-ჯერ მეტია დედამიწის მასაზე, ხოლო მოცულობით 1300000-ჯერ მეტია დედამიწაზე. მზის სიმკვრივე დაახლოებით წყლის ერთმანეთსაა სიმ. კვირის ტოლია, ზედაპირული ტემპერატურა 6000 გრადუსს უდრის, ხოლო მზის ცენტრში ტემპერატურა 20.000.000 გრადუსით განისაზღვრება.

სხვა ვარსკვლავებთან მზის შედარება გვარწმუნებს, რომ მზე არ წარმოადგენს რაღაც განსაკუთრებული სიდიდის ვარსკვლავს. მრავალი ვარსკვლავი გაცილებით დიდი და კაშკაშაა, ზოგი მასზე მცირე და ნაკლებად კაშკაშაა. მზე ჩართულობა საშუალო, რიგით ვარსკვლავად, რომლის მსგავსი მილიონობით ვარსკვლავია სივრცეში.

* * *


როგორია ვარსკვლავების სიკაშკაშე? ვარსკვლავების და მზის სიკაშკაშის განსაზღვრის შედეგად გამოირკვა, რომ ჩვენს ცაზე ბევრი ვარსკვლავი მზეზე უფრო კაშკაშაა. ვარსკვლავი სირიუსი მზეზე 26-ჯერ უფრო კაშკაშა აღმოჩნდა, ესე იგი ის ისე ანათებს, როგორც 26 მზე ერთად გაანათებდა. ბუმბერაზი ვარსკვლავები, მთავალითად, ვარსკვლავი რიგელი 1600-ჯერ მეტად ანათებს ვიდრე მზე, ან კიდევ ვარსკვლავი S — ოქროს თევზების ჯგუფიდან — 400.000-ჯერ მეტად ანათებს ვიდრე ჩვენი მზე. მეორეს მხრივ მონახულია ვარსკვლავები, რომელთა ჭეშმარიტი სიკაშკაშე გაცილებით ნაკლებია მზის ჭეშმარიტ სიკაშკაშეზე. ჩვენგან უახლოესი ვარსკვლავის, პროქსიმა ცენტარას სიკაშკაშე 15000-ჯერ ნაკლებია მზის სიკაშკაშეზე. არის ისეთებიც, რომლებიც კიდევ უფრო სუსტად, არამდინე ათეულ ათასჯერ ნაკლებად ანათებს ვიდრე ჩვენი ვარსკვლავი — მზე.

რამდენად ცხელია ვარსკვლავები? ვარსკვლავთა ტემპერატურების განსაზღვრისათვის ასტრონომიაში რამდენიმე მეთოდი არსებობს, მაგრამ ყველა მათგანი ვარსკვლავის ზედაპირული ტემპერატურის სიდიდეს გვაძლევს და მის სიღრმეში არსებული ტემპერატურა მხოლოდ თეორიული გამოთვლით შეიძლება შეფასდეს. ვარსკვლავები ზედაპირული ტემპერატურით ერთმანეთისაგან დიდად განსხვავდებიან. ყველაზე ცივი ვარსკვლავების ზედაპირული ტემპერატურა 2000 გრადუსს უდრის, ხოლო ყველაზე ცხელი ვარსკვლავებისა — 30.000 გრადუსს.

არსებობს თვალისმომკრელი სიკაშკაშის მქონე ვერეთო-ღებულ ახალი ვარსკვლავები, რომელთა ტემპერატურა 140.000 გრადუსს აღწევს. ასეთი ცხელი ვარსკვლავების სიღრმეში სიმბურვალე 40-50 მილიონ გრადუსს უდრის. ამგვარად, ბუნებაში ცნობილი ყველაზე დიდი ტემპერატურა ვარსკვლავების სიღრმეებშია და ამ საშინელი ტემპერატურის წარმოსადგენად საკმარისია ვთქვათ, რომ ასეთი ტემპერატურის მქონე ქინძისთავისოდენა მასა გამოყოფს იმდენ სითბოს, რომ 1500 კილომეტრის დიამეტრზე მოსობდა ყოველგვარ სიცოცხლეს.

* * *

რა ზომისაა ვარსკვლავები? დღევანდელ უძლიერეს ტელესკოპებშიაც კი ვარსკვლავების ბაღროს, მათი დიდი სიმორის გამო, ვერ ვხედავთ. ისინი წერტილებად მოჩანან. მიუხედავად ასეთი დაბრკოლებისა, მცდელობა შექმნეს ისეთი ვიზუალური მეთოდი, რომლის საშუალებითაც გამოითვლება ტელესკოპში წერტილად ხელული ვარსკვლავის დიამეტრი. ვარსკვლავთა დიამეტრების გაზომვისას გამოირკვა, რომ არსებობს დიდად განსხვავებულ მოცულობათა მქონე ვარსკვლავები (ნახ. 2). დავახასიათოთ ზოგიერთი სხვადასხვა ზომის ვარსკვლავი. ყველაზე მცირე ზომისაა წითელი და თეთრი ქონდრის ვარსკვლავები აღმოჩნდნენ. მაგალითად, ერიდანის ვარსკვლავებში




ნახ. 2.

მონახული იქნა პატარა, მაგრამ მეტად ცხელი ვარსკვლავი, რომელიც მოცულობით 200.000-ჯერ მცირეა მზეზე. ცნობილ ვარსკვლავთა შორის ყველაზე მცირე კეიპერის ვარსკვლავია. მისი დიამეტრი 153-ჯერ ნაკლებია მზის დიამეტრზე, ხოლო 1,5-ჯერ ნაკლები დედამიწის დიამეტრზე. არსებობენ აგრეთვე უზარმაზარი ვარსკვლავები ბუმბერაზები და ზებუმბერაზები. ასე მაგალითად, ვარსკვლავი არქტური მოცულობით 17.000-ჯერ, დენები — 43.000-ჯერ, ალღებარანი — 60.000-ჯერ, ანტარესი — 34.000.000-ჯერ მეტია მზეზე. ან კიდევ ვარსკვლავ VV-ცეფეიში (ნახ. 3) ჩაეტევა მზე თავისი პლანეტებით, იუპიტერის ორბიტის ჩათვლით. ამ ვარსკვლავის დიამეტრი 1.200-ჯერ მეტია მზის დიამეტრზე. თუ ჩვენ მას წარმოვიდგენთ გახვრეტილს დიამეტრის მიმართულებით, და ამ გვირაბში გავისვრით ყუმბარას, რომელიც შეუჩერებელი იფრენს სათაში 1000 კილომეტრის სიჩქარით, მაშინ ყუმბარა ვარსკვლავის მთელ დიამეტრს გაიფრენდა და გვირაბის გამოსავალში მივიდოდა 180 წლის შემდეგ. ირკვევა, რომ VV-ცეფეი არ წარმოადგენს ვარსკვლავთა შორის ყველაზე დიდი მოცულობის ვარსკვლავს. უკანასკნელ დროს მონახულ იქნა მეტად შორეული, თვალისათვის სუსტად შესაშინევი ვარსკვლავი ვასილიონ მებელისა, რომელიც ზებუმბერაზია და მისი მოცულობა 2000000000-ჯერ აღემატება მზის მოცულობას.

* * *

რა მასის და სიმკვრივის არაინ ვარსკვლავები? სულ სხვა სურათს გვაძლევს ვარსკვლავთ მასების გამოკვლევა. მიუხედავად იმისა, რომ ვარსკვლავები თავიანთი ზომებით საოცრად განსხვავდებიან ერთმანეთისაგან, მათი მასების რაოდენობა დიდად არ განსხვავდება მზის მასისაგან. იმ ვარსკვლავებიდან, რომელთა მასები დღეს განსაზღვრულად შეიძლება ჩაითვალოს, დაახლოებით ცვალებადობს 0,1-დან 15 მზის მასამდე. აქედან ცხადია, რომ ვარსკვლავთ სიდიდეებში ნაჩვენები კონტრასტები მოგვეცემს მათ სიმკვრივეთა შორის შეუღარებლად დიდ განსხვავებებს. ვარსკვლავი სირიუსი ერთ ვარსკვლავად გვეჩვენება, სინამდვილეში კი იგი შედგება ორი ერთმანეთთან ახლოს მდებარე ვარსკვლავისაგან, რომლებიც საერთო სიმძიმის ცენტრის გარშემო ბრუნავენ. მათგან ერთი ვარსკვლავი მუდარუნე ნაკლები სიდიდისა და სიკაშკაშისაა, ამის გამო სუსტ ვარსკვლავს დიდის თანამგზავი უწოდეს. 1924 წელს აღ-



ნ.ნ. 3.

მოჩნდა, რომ სირიუსის თანამგზავრის ზედაპირი უფრო თეთრი და კაშკაშაა, ვიდრე მზის ზედაპირი, მაგრამ სინათლის საერთო რაოდენობა 300-ჯერ ნაკლები აქვს მზის სინათლესთან შედარებით. მისი დიამეტრი მხოლოდ 4-ჯერ მეტი აღმოჩნდა დედამიწის დიამეტრზე მაშინ, როცა ამ ვარსკვლავის მასა თითქმის მზის მასის ტოლია. ამის გამო ვარსკვლავის სიმკვრივე საოცრად დიდია. ის 2000-ჯერ აღემატება ლურჯ სიმკვრივეს და 40.000-ჯერ წყლისას. შემდეგ გამოიკვია, რომ სირიუსის თანამგზავრი იშვიათ გამოწვანის არ წარმოადგენს სამყაროში და მისი მსგავსები კიდევ მთავრებიან სივრცეში. მათ თეთრი ქონდრის ვარსკვლავები უწოდეს. ამ მხრივ შესანიშნავია კაიპერის ვარსკვლავი: მისი სიმკვრივე პლანეტის სიმკვრივეზე 10.000-ჯერ მეტი აღმოჩნდა და ამ ვარსკვლავის ერთი კუბიკური სანტიმეტრის მოცულობის მასა ას ტონას აიწონის.

თანამედროვე ფიზიკა ვარსკვლავთ ანთი დიდი სიმკვრივეებს იმით ხსნის, რომ ამ ვარსკვლავების სიღრმეში დიდი ტემპერატურის გამო ატომები კარგავენ ელექტრონებს — ხდება იონიზაცია და, რადგან იონიზებული ატომის დიამეტრი შეუდარებლად მცირეა მის საწყის დიამეტრთან, ატომები ერთმანეთთან ისე შემქვიდრდებიან, რომ მათი სიმკვრივე დიდად გადააჭარბებს ნებისმიერი ლითონის სიმკვრივეს და ისევე გაზად დარჩება.

თუ ქონდრის ვარსკვლავებს ასეთი დიდი სიმკვრივის ნაწილები აღმოაჩნდათ, ბუმბერაზ და ზებუმბერაზ ვარსკვლავებს პირიქით, საოცრად დაბალი სიმკვრივე აქვთ. მაგალითად, ვარსკვლავ ანტარესის სიმკვრივე მილიონჯერ ნაკლებია წყლის სიმკვრივეზე და 1077-ჯერ მსუბუქია ჩვეულებრივ ატმოსფეროზე, ხოლო გიგანტი ბეტელგეიზე 2-ჯერ ნაკლები სიმკვრივისაა ვარსკვლავ ანტარესის სიმკვრივესთან შედარებით. თუ ზებუმბერაზ ვარსკვლავს S-ს გავისხნებთ ლურჯ თევზების ვარსკვლავებიდან, ამ ვარსკვლავს კიდევ რამდენიმე ათასჯერ ნაკლები სიმკვრივე აქვს ვიდრე ანტარესს.

სად იმყოფება ჩვენი ვარსკვლავი — მზე — სამყაროში? დამით მოწყენილ ცაზე ცხადად ვამჩნევთ ვერცხლისფერ, ნაწყვეტ-ნაწყვეტი ღრუბლების მსგავს თხელ შრეს, რომელიც ცის გუმბათზე გადაკეტილია ჰორიზონტიდან ჰორიზონტამდე. ეს შრე ჰორიზონტქვემოთაც გრძელდება და, რო-

გორც ბექედი, ისე ვერტემის გარშემო დედამიწას. ამ ვარსკვლავურ ლენტს ბერძნები ძველად „გალაქისის“ უწოდებდნენ, რაც ზიძიავს რძის წრეს. ქართველები „ირძის ნაატომს“, ან „რძის გზას“ უწოდებდნენ.

პირველად დიდი მეცნიერი გალილეო 1610 წელს თავის გამოგონილი ტელესკოპის საშუალებით დარწმუნდა, რომ „რძის გზა“ შედგება უთვალავ სუსტ ვარსკვლავთა სიმრავლისგან. მართლაც, ცის ამ არეში სუსტი ვარსკვლავები ისე შორს არიან, რომ შუთიარადებელი თვალით ვერ ვარჩევთ. ისინი ქმნიან განათებულ ფონს, მაგრამ მცირე განაღებლობის ტელესკოპშიაც კი ეს განათებული არე იშლება და თეთრი ღრუბლის ნაცვლად დავინახავთ ცალკეულ ვარსკვლავებს.

ჯერ კიდევ წინა საუკუნეებში მრავალი მეცნიერი ცდილობდა დაახლოებით მანძი გამოეცნო, თუ რამდენი და როგორი სხეული ქმნიდა „რძის გზას“.

გამოიკვია, რომ უახლოესი ვარსკვლავები ქმნიან ვარსკვლავების სურათს, ასე ვთქვათ წინა ხედს, ფსადს, ხოლო „რძის გზა“ წარმოადგენს ურიცხვ ვარსკვლავთა შორეულ ფონს. მთლიანად ეს ვარსკვლავები ქმნიან გრანდიოზულ ერთ სისტემას, ერთ ვეება კუნძულს სამყაროს უსაზღვრო სივრცეში. ჩვენი მზე, როგორც ერთი წევრი, ერთი საშუალო სიდიდის ვარსკვლავი, შედის ამ გიგანტურ ვარსკვლავთ სისტემაში — გალაქტიკაში.

გამოიკვია, რომ გალაქტიკურ სისტემას აქვს უზარმაზარი სიდიდის შებრტყელებული ლინზის ფორმა, რომლის დიდი დიამეტრი 100.000 „სინათლის წელიწადს“ უდრის, ხოლო მცირე დიამეტრი — 10000 „სინათლის წელიწადს“.

ერთი შესხედვით ვგეგონება, რომ „რძის გზა“ წარმოადგენს ცოტრ სხეულთა უწყსრივო დაჯგუფებას, მაგრამ, დრმად შესწავლის შედეგად გამოიკვია, რომ მასში შედის განსაკუთრებული სფერული და სხვაგვარი ფორმის ვარსკვლავთ გროვები. გალაქტიკაში შემავალი ცალკეული ვარსკვლავები, თუ ვარსკვლავთა გროვები, მოძრაობენ მის სივრცეში დაახლოებით სამასი კილომეტრის სიჩქარით წამში. მთლიანად ვარსკვლავთ ის გროვა, რომელშიაც ჩვენი მზე შედის, მოძრაობს 275 კილომეტრის სიჩქარით წამში, გალაქტიკის ცენტრის, ესე იგი იმ არის გარშემო, სადაც სხვა არეებთან შედარებით ყველაზე უფრო მჭიდროდაა ვარსკვლავები. მზე ამ ცენტრთან 33000 „სინათლის წლითა“ დაკლებული და მის გარშემო ერთხელ შემოვლას 200.000.000 წელიწადს ანდომებს, ესე იგი დედამიწაზე თავისი არსებობის შთელ მანძილზე მზესთან ერთად გალაქტიკის ცენტრს დღემდე მხოლოდ 15-ჯერ შემოუარა.

გალაქტიკის სივრცეში აღწერილი მრავალგვარი ვარსკვლავის გარდა შემჩნეულ იქნა გაზობრივი მტვეროვანი ღრუბლები — ნისლეულები. თვითნათი გარეგნული ფორმითა და შედგენილობით ეს ნისლეულები მრავალგვარია: ზოგი თვითნათი გაზია, ზოგი შედგება გაზისა და კოსმიური მტვერისაგან, რომელიც განათებულია მასში მყოფ გიგანტურ ვარსკვლავთა სინათლით. გალაქტიკის ზოგი არე სრულიად ბნელია და გვეგონება, რომ ამ არეებში სრულებით არაა ვარსკვლავები, მაგრამ აღმოჩნდა, რომ ამ არეებში ვარსკვლავების სხივებს ელოდება ვეებერთელა ზომის ბნელი ნისლეულები.

დღევანდელი გამოთვლებით მეცნიერებს მიაჩნიათ, რომ გალაქტიკის სისტემაში დაახლოებით ასორმოცდაათი მილიარდა ვარსკვლავი შედის, ხოლო ამ სისტემის საერთო მასა უდრის 230 მილიარდ მზის მასას, აქედან მასში შემავალი ნისლეულების მასა ასი მილიონი მზის მასის ტოლია. ჩვენი ეს სამყარო, ჩვენი გალაქტიკური სისტემა, მიუხედავად თავისი გრანდიოზულობისა, მანძი წარმოადგენს ვარსკვლავთ სისტემის მცირე კუნძულს დიდ სამყაროში, სადაც ასეთი გალაქტიკების რიცხვი გაცილებით მეტია, ვიდრე ჩვენს გალაქტიკაში ვარსკვლავთ რიცხვი.

დოცენტი ზიორგი თევზაძე

მეგობრობა

სიელა სილაინი



ეს მოთხრობა დაწერა ცხრა წლის ინდოელმა გოგონამ სიელა სილაინმა.

ამ მოთხრობამ პროგრესული მწერლის შანკარას სახელობის კონკურსზე პირველი პრემია მიიღო და დაიბეჭდა ინდოეთის უფროსი „მშვიდობისათვის“.



გასულ წელს ჩვენი ოჯახი გადავიდა საცხოვრებლად დელში. პირველ ხანებში მარტოობას ვგრძნობდი.

ერთხელ მამამ თქვა:

— რა ზარმაცი ხარ, რატომ ზიხარ სულ შინ და არ გადიხარ ქუჩაში?

მე არ მიტყვამს რათ არ მიხლოდა გასვლა ქუჩაში, მაგრამ თქვენ კი შემოძლია გითხრათ.

ჩვენი ჩასვლის პირველ დღეებში ძალიან მიხლოდა გოგონებთან თამაში, ისინი კი არავითარ ყურადღებას არ მატყვევდნენ. ერთხელ ჩვენი მეზობლის გოგონამ, შინ მიმიწვია. მალე მისი ამხანაგებიც მოვიდნენ. ერთმა მათგანმა მოულოდნელად მკითხა:

— რომელ კარჩაკეტილთა ჯგუფისა ხარო?

მე ვუბასუხე, არ ვიცი-მეთქი. შინ მაშას ვკითხე და მიპასუხა:

— კარჩაკეტილობა ჩვენ არ გვწამსო.

მეორე დღეს ქუჩაში რომ გავეღო, გოგონამ ისევ მკითხა:

— ვინა ხარ? რომელ კარჩაკეტილთა ჯგუფს ეკუთვნიო?

— კარჩაკეტილობა ჩვენ არ გვწამს-მეთქი — ვუბასუხე.

მამამ მეორემ გაგულსებით მკითხა:

— მაჰმადიანი ხარ თუ ინდოელი?

მე ვუბასუხე, რომ მაჰმადიანი ვყავი. გოგონები მაშინვე ჩამომშორდნენ, რამაც ძალიან შემწაწუხა. მეორე დღეს ქუჩაში აღარ გავსულვარ.

მამას ვუთხარი:

— ჩემთან თამაში არავის არ უნდა, რადგან მაჰმადიანი ვარ-მეთქი.

მამას გაეღიმა და თქვა:

— რა უშავს, ჯერჯერობით უმცროს დასთან ითამაშე და შემდეგ ისწავლი როგორ დაუახლოვე მეგობრებს

ერთ საღამოს, როცა ჩვენ ყველანი შინ ვისხედით, ზარმა დარეკა: „ძინ, ძინ!“


მე კარუბის გასაღებად გავიქეცი. შინ მალალი ტანის გრძელ-წვერა კაცი—სიკი შემოვიდა, თან ცული და ჩემოდენა გოგონა ახლდა. მათ დანახვაზე ოთახში შევიბრძინე, მაგრამ მალე მამამ დამიძახა.

— აი შენი ახალი მეგობარი.— თქვა მან.— აბა, შენი დეო-ფალა აჩვენე.

გოგონა თან გამომყვა. ძალიან მხიარულად ვთამაშობდით. როდესაც სტუმრები წავიდნენ, მამას ეკითხე:

— რატომ იყვნენ ისინი ჩვენთან?

— ძალიან გულკეთილი ხალხია, — მიპასუხა მამამ. — გაუგიათ, რომ მეზობლის გოგონებს არ უნდათ შენთან თამაში და თავიანთი გოგონა მოიყვანეს.



მას შემდეგ ის გოგონა ჩემი მეგობარი გახდა. სულ მალე სხვა გოგონებმაც დაიწყეს ჩემთან თამაში და ახლა ჩვენ ყველანი მეგობრები ვართ

ერთხელ ჩემმა უფროსმა დამ, როგელიც თავის თავს ჭკვიანად თვლიდა, მკითხა:

— სიელა, რამდენი გყავს ახლა შენ მეგობრები?

— ძალიან ბევრი.— ვუბასუხე მე.

— ვინ არიან ისინი?

— ისინი პატარა გოგონები არიან: ინდოელები, მაჰმადიანები. ჩვენ ახლა პატარა საკუთარი კლუბი გვაქვს. ჩვენ მას „ბედნიერი ბავშვების კლუბი“ ვუწოდებთ.

მამამ მამამ თქვა:

— ქვეყნად ძალიან ბევრი ხალხია და, თუ ისინი ყველანი ასეთი მეგობრები გახდებიან, როგორიც თქვენა ხართ, მამამ მათ შეიძლება შექმნან ერთი კლუბი „ბედნიერი ბავშვებისათვის“ მთელს მსოფლიოში როგორ ფიქრობთ, შესაძლებელია ყოველივე ეს?

— ვფიქრობ, რომ შეიძლება.

თარგმანი ნ. თოფჩიშვილისა
ნ.ხ. ალ. ბანძელაძისა



პიონერული ახალი ამბები

ნორჩ ნატურალისტთა საკავშირო შეკრება

მ. ც. ნ. ვ. ლ. ს. თ. ა. მ. ი.



12 აგვისტოს მოსკოვში ჩატარდა ნორჩ ნატურალისტთა საკავშირო შეკრება, მიძღვნილი ბუნების დიდი გარდამქმნელის ი. ვ. მიჩურინის დაბადების 100 წლისთავისადმი. შეკრება გაიხსნა სასოფლო-სამეურნეო გამოფენის ტერიტორიაზე. ექვსსამედ ნორჩი მიჩურინელი, რომელთა დიდი უმრავლესობა საკავშირო სასოფლო-სამეურნეო გამოფენის მონაწილეა, შეკრებაზე მოვიდა საქოთა

კავშირის ყველა კუთხიდან — თავისი მიღწევებით, ექსპონატებით, ხილით, ბოსტნეულით, სოფლის მეურნეობის მანქანა-მოდელებით.

ნორჩმა ნატურალისტებმა დროებითა და ყვავილებით წორთეს მიჩურინის ძეგლი, რის შემდეგ შესდგა პლენარული სხდომა. აკადემიკოსმა პ. ლ. იაკოვლევმა დღეგატებს მოუთხრო მიჩურინის ცხოვრებაზე და მოღვაწეობაზე.

ნორჩ ნატურალისტთა შეკრება 5 დღეს გაგრძელდა. სასოფლო-სამეურნეო გამოფენის ყველა პავილიონის კარი ღია იყო ნორჩი ნატურალისტებისათვის.

ვალბა და ვალკა



ვალბა და ვალკა ორი მოძმე რესპუბლიკის — ლატვიისა და ესტონეთის ორი ქალაქია. გეოგრაფიულ რუქაზე წრეები, რომლებიც ამ ქალაქებს აღნიშნავენ, ერთმანეთზეა მიტყუებული. მართლაც, ესაა თითქმის ერთი ქალაქი, შუაზე გაყოფილი პაწია მდინარით, რომლის ნაპირზე ამ რესპუბლიკებში საბჭოთა ხელისუფლების დამყარებამდე ბურჟუაზიული ესტონეთისა და ლატვიის მესაზღვრეები იდგნენ.

ეს იყო ძველად, ახლა ვალკელი და ვალკელი პიონერებისათვის არ არსებობს სახელმწიფო საზღვარი. საერთო პიონერული შეკრებები, საერთო საღამოები, საერთო სპორტული სპარტაკიადები ჩვეულებრივი მოვლენაა ამ ორი ქალაქის პიონერულ ცხოვრებაში.

გასულ თვეს ტბაზე, რომელსაც ლატვიელები ზაგიუს, სოლო ესტონელები ვესკიარვს უწოდებენ, შედგა ესტონელი და ლატვიელი პიონერების მეგობრული შეხვედრა.

პოლკა, ვალსი, რიტუნაისი, კერიაანი, ესტონური და ლატვიური ხალხური ცეკვები და სიმღერები ერთმანეთს სცვლიდა. ხელხელჩაკიდებული დაჭკროდნენ ბავშვები, ვერ გარჩევედა რომელი იყო ლატვიელი და რომელი ესტონელი. ერთად ისვენებდნენ ისინი იმ დღეს და უკვირდით, ალბათ, რომ ოდესღაც, როცა მათი მშობლები ბავშვები იყვნენ, პაწია მდინარე ჰყოფდა მათ ცხოვრებას.



შესრულდა 20 წელი თბილისის მცირე რკინიგზის დაარსებიდან. 31 ივლისს ს. ორჯონიძის სახელობის კულტურისა და დახვეწების პარკში გაიხსნა საქართველოს ნორჩ რკინიგზელთა შეკრება, რომელსაც მრავალი სტუმარი დაესწრო.

პარკის საზაფხულო თეატრში, საზეიმო სხდომაზე თბილისის რკინიგზის უფროსმა გ. ბერიძემ მოაგონა დამსწრეებს ამ რკინიგზის საინტერესო ბიოგრაფია; მოუთხრო ამხანაგ ლ. მ. კაკანოვიჩის დაუშრეტელი ზრუნვის შესახებ, რასაც თბილისის მცირე რკინიგზის მშენებლობისადმი იჩინდა. გ. ბერიძემ გაახსენა პატარებს, რომ ეს რკინიგზა მათმა უფროსმა დეპმა და ძმებმა ააშენეს. ახლა მრავალი მათგანი რკინიგზის ტრანსპორტის სპეციალისტია.

სიტყვაში გამოვიდნენ, აგრეთვე, თბილისელი და რაიონებიდან შეკრებაზე ჩამოსული ნორჩი რკინიგზელები.

სხდომის დასურვისას თავმჯდომარემ მცირე რკინიგზის საიუბილეო რეისზე მიიწვია საზოგადოება. მატარებელი აიგსო ბედნიერა თაობით.

სალამოს მოეწყო ექსკურსია თბილისის ღირსშესანიშნავ ადგილების დასათვალიერებლად.

ნორჩ ნატურალისტთა ბანაკი

ეს იყო ახალი მოვლენა არა მარტო სასოფლო-სამეურნეო ინსტიტუტის, არამედ მთელი ჩვენი რესპუბლიკის ცხოვრებაშიც: თბილისში სასოფლო-სამეურნეო ინსტიტუტის ტერიტორიაზე წელს პირველად გაიხსნა და მთელი საზაფხულო არდადეგების მანძილზე მუშაობდა ნორჩ ნატურალისტთა ბანაკი, სადაც პიონერები ინსტიტუტის პროფესორ-მასწავლებლების დახმარებით ეცნობოდნენ მცენარეულობით მდიდარ ინსტიტუტის ბაღს, სწავლობდნენ თბილისის მიდამოების მცენარეულობას, ახდენდნენ ცდებს, სწავლობდნენ ახალი ფიშების გამოყვანას და სხვა აგრონომებს, აწყობდნენ ექსკურსიებს მცენარეულობით მდიდარ ადგილებში.



ნორჩი ნატურალისტები გაეცნენ ინსტიტუტის ლაბორატორიებს, მუზეუმს. ეწყობოდა პიონერების ნაშუქვების, ჰერბარიუმების, მწერების კოლექციების გამოფენა.

ნორჩმა ნატურალისტებმა მადლობის ნიშნად ინსტიტუტის ღირეციას გადასცეს თავიანთი ჰერბარიუმების ნაწილი, დენდროლოგიურ მუზეუმში სტუდენტთა ახალგაზრდობის სწავლების პროცესში გამოყენებისათვის.

ნორჩ ნატურალისტთა ბანაკის პიონერულ ოთახში გამოშვებული გაზეთები „ნორჩი ნატურალისტი“, „განთიადი“, „ფოტოგაზეთი“ ნათლად მეტყველებენ პიონერების მიერ ბანაკში მიღებულ დიდ შთაბეჭდილებებზე.



მოკლედ ყველაფერზე

სასწაულებრივი წვიმა

1804 წელს ესპანეთის ერთ კუთხეში ძლიერი გრივალის დროს ციდან წამოვიდა ხორბლის წვიმა. ორი წლის შემდეგ გერმანიაში მოხდა კიდევ უფრო უწყაური სანახაობა: ციდან მოულოდნელად ცვენა იწყო ზღვის კიბობმა, რაც ნახევარ საათს გაგრძელდა. მოსაზრება გაკვირვებული დარჩა, ვინაიდან ვერ გავიგოთ ამ მოვლენის გამოწვევი მიზეზები. ანალოგიურ მოვლენას სხვა დროს ადვილი ჰქონდა მოტლანდიაში, მაგრამ აქ კიბობის მაგივრად პაერდან თევზებმა იწყეს ცვენა. თევზებით დაიდარა არა მარტო მიწა, არამედ იმ სახლების იატაკებიც, სადაც ამ დროს შემთხვევით ფანჯრები ღია იყო. მცნეირებამ თავის დროზე ახნა და დამატე-

ცა, რომ მოხდარი მოვლენები არაერთარ სასწაულთან არ არის დაკავშირებული. ხორბლის წვიმა გამოწვეული ყოფილა იმით, რომ ჩრდილო აფრიკაში ძლიერ ქარიშხალს დაუწვრვია პურას ბეღლები, ატტაეია ხორბალი პაერში და გდაუტანია ძლიერ შორ მანძილზე ესპანეთში, სადაც იგი წვიმის სახით წამოვიდა მიწაზე.

თევზების ცვენას პაერდან მიწაზე იწვევს ძლიერი ქარბორბალს მოქმედება, რომელიც ზოგჯერ ზღვებიდან წყალთან ერთად ატყორცნის თევზებს, ან კიბობს პაერში, მიაქვს იგი შორ მანძილზე, შემდეგ კი, როცა რამდენიმე ამინდი დაწყნარდება, აღნიშნულ ზღვის ცხოველებს ისევ დედამიწაზე პერს წვიმის სახით.

ზობანიპური სახეცემე


კაბეთში, წინანდლას მევენახეობის საბჭოთა მეურნეობის ტერიტორიაზე გადაჭიმულია ბრწყინვალე დეკორატიული პარკი. ამ პარკის მცენარეები შეგროვილია მსოფლიოს 24 ქვეყნიდან.

ოცი წლის წინ ახალგაზრდა აგრონომმა, სამხატვრო აკადემიის სტუდენტმა ირაკლი შმალაძემ განიზარა ბზის ბუჩქებისაგან დაეფორმებინა ნიანგის თავი. ერთ ბუჩქს ცხოველის ტანის ფორმა მისცა, მეორე კი ისე გაზარდა, რომ ღია პირის ფორმა მიიღო... შემდეგ ბუჩქები ნიადაგში გადაარგა და ისე შეაერთა, რომ ნიანგის ფიგურა გამოვიდა.

„ნიანგი“ 16 წლისაა. სიგრძით — რამდენიმე მეტრია. ყოველ 2-3 დღეში ფაქიზად კრეკენ. ახლა ხმალიის მზრუნველობის ქვეშ მარტო „ნიანგი“ არ არის. ბოლო წლებში „ნიანგის“ გვერდით გამოჩნდა „ვეფხი“, კენკრის ბუჩქისაგან „გაიზარდა“ ძალი, ურთხელისა და წითელი ზიდან — „ფარშევანგები“, „მწყრები“, ბზიდან — პატარა „დათუნია“ და სხვა მწვანე „შეცეები“ და „ფრინველები“.

„სამხეცე“ თანდათან იზრდება და იცსება.

პროექტშია — მთელი სუეეტები ზღაბრებიდან და იგავ-არაკებიდან.



შემდეგ ღრმა კვალეც არა რჩება, — მაღის ფაფუკათებიანი დათვივით.

ორი უზარმაზარი მუხლუხო — თითოეული მათგანი სიგანით მთელი მეტრია... ეს ოჯგერ უფრო განიერია, ვიდრე ამავე სიძლიერის ჩვეულებრივი ტრაქტორის მუხლუხო. განიერი და გრძელი მუხლუხოები თანასწორად ანაწილებენ მანქანის სიმძიმეს ნიადაგს დიდ მოედანზე. მის ყოველ კვადრატულ სანტიმეტრზე 0,28 კილოგრამამდე მოდის. ეს შესამჩნევად ნაკლებია იმ დაწოლაზე, რომელსაც ადამიანის ფეხი აწარმოებს მიწის თითოეულ კვადრატულ სანტიმეტრზე.

ჭაბუკი მოსიარულე ტრაქტორს უშვებს ჩელიაბინსკის სატრაქტორო ქარხანა, ჭაბუკიანი მიწების ამოსაწრობად.

რძის ხე

ეკვადორში, ვენესუელას ჩრდილოეთ ზღვის ნაპარბზე და ლათინური ამერიკის სხვა მხარეებში ვხვდებით ამოღობილი გლუვქქრქიანი ტროპიკული ხეების ჭალებს. რომლის ტყავის-მაგვარი მზონიავი ფოთლები ჩვენი შინაური ფუკუსას წვირილ ფოთლებს წააგავს. მისი ნაყოფი არ იკმება. ხე ძვირფასია რძისებური წვენი, რომელიც გაჭრილი ქერქიდან მოედინება.

გაჭრილი ქერქიდან საათის განმავლობაში შეიძლება ერთი ლიტრი წვენის მიღება, რომელსაც მოსახლეობა რძის მაგიერ ზმარობს. ვინაიდან ეს წვენი დიდხანს ვერ სძლებს — სქელდება და მწარდება — ხეს „სწველიან“ საჭიროების მიზნებით წლის ყოველ დროს. წვენის აორთქლებისას გამოიყოფა სანთლისმაგვარი ნივთიერება, რომელსაც სანთლის გასაკეთებლად ხმარობენ.





ჩინური ჭადრაკი

თ. გიორგაძის რედაქციით

ჩინეთში მრავალი საუკუნეა ფართო პოპულარობით სარგებლობს ჩინური ჭადრაკი — სიანცი.

სიანცი იმდენად მიმზიდველია, რომ მასზე ლეგენდებია შეთხზული. ერთერთი მათგანი მოგვითხრობს: ვინმე შეშის დამპობი ვან ცი ერთხელ მთაზე ასულა, სიანცის მოთამაშე ორი ახალგაზრდა შეუნიშნავს, ნაჯახი იქვე დაუდგია და თამაშისათვის დაუწყია ყურება.

როდესაც თამაში დამთავრებულა, ვან ცის ნაჯახის ტარი დამპალი აღმოჩენილა, სოფელში დაბრუნებულს თავისიანები ვეღარ უნახავს — ყველა გარდაცვლილიყო. თურმე თამაშში ორასი წელი გასულიყო.

სიანცი დიდად განსხვავდება ჩვენი ჭადრაკისაგან. დაფის 64 უჯრა ერთი ფერისაა და მას ორ ნაწილად მყოფს ნეიტრალური ზონა, რომელსაც მდინარე ეწოდება. თითოეულ მეტოქეს, ისე როგორც ჭადრაკში, თექვსმეტი ფიგურა აქვს, რომლებიც ერთმანეთს ძალზე ჰგვანან. განსახვავებლად ფიგურებს წარწერები აქვთ გაკეთებული. სიანცის ფიგურები ბრტყელი და მრგვალია.

ჩინურ ჭადრაკში მეფეს ეწოდება გენერალი, ეტლს — ჩინურადაც ეტლი, კუს — მირჩიველი, მხედარს — მხედარი, პაიკებს — სალდათები. ჩვენს ჭადრაკთან განსხვავებით სიანცში არსებობს ორ-ორი მეცნიერი, რომელთაც გენერლის დაცვა ევალებათ. არის აგრეთვე ზარბაზანი, რომელიც ეტლივით მოძრაობს, მაგრამ იმ განსხვავებით, რომ ქიშს აცხადებს და ფიგურას კლავს მაშინ, როცა მათ შორის სხვა რომელიმე ფიგურა მდებარეობს.

ჩინურ ჭადრაკში არ არის ლაზიერი, ამიტომ მთავარ შემტევ ძალას ეტლი და ზარბაზანი წარმოადგენს.

სიანცმა განსაკუთრებით დიდი გავრცელება ჰპოვა ჩინეთში სახალხო რევოლუციის გამარჯვების შემდეგ. პეკინში, ნანკინში, შანხაიში და სხვა ქალაქებში გაიხსნა სიანცის კლუბები, სადაც რეგულარულად ეწყობა შეჯიბრებები.

ჩინელ ხალხს უყვარს თავისი ეროვნული თამაში, მაგრამ ჩინელები ინტერესით ეუფლებიან ჩვენს ჭადრაკსაც.



პ ი თ ნ ე რ ი № 9

შ ი ნ ა ა რ ს ი

ალეკო შენგელია — სიმღერა სკოლაზე (ლექსი)	83-1
ლადო მრელაშვილი — შერიგება (მოთხრობა)	2
რუსუდან პერკინა — მეგობრობა (წერილი)	8
სიმონ შამფრიაანი — სტუმრად მოსკოველ პიონერებთან (ლექსი)	9
სოსო იორამაშვილი — გმირის ბავშვობა (მოთხრობა)	10
ხუტა ბერულავა — ბავშვთა მეგობრებს (ლექსები)	15
ნორჩ მოგზაურთა რესპუბლიკური შეცკრება (ფოტონარკვევი)	16
ლევ კასილი — ადრეული განთიადი (მოთხრობა, დასასრული. თარგმნა ბ. შელიამ)	18
ბაოლო იაშვილი — ოთარ შოჟერი (ლექსი)	22
მონღოლური ხალხური ზღაპარი — ვინ უფროსია?	23
ოთარ შალაშერიძე — გვეგებებიან სკოლები (ლექსი)	24
ოთარ კუპრავა — კომკავშირელი გავხდები მალე (ლექსი)	24
ვასილ სმირნოვი — ბალადა პიონერზე (ბალადა, თარგმნა ალ. ბეგაშვილმა)	24
გიორგი თევზაძე — ვარსკვლავები (ასტრონომის საუბარი)	25
სიედა საიდაინი — მეგობრობა (მოთხრობა, თარგმნა ნ. თოფჩიშვილმა)	29
პიონერული ახალი ამბები	30
მოკლედ ყველაფერზე	31
ჭადრაკი	32
მოსწავლეთა შემოქმედება	გარეკ. 3
გარეკანის პირველ გვერდზე „კედლის გახეთში გასწერეს“ — ნახ. რ. ცუცქირიძისა. გარეკანის მეორე გვერდზე „ნორჩ მოგზაურთა ქალაქში“ — ფოტო გ. ვახტანგაძისა. გარეკანის მესამე გვერდზე „დარიალი“ — ნახ. ვახტანგ ჯაფარიძისა.	
შურნალი გაფორმებულია მხატვრების: ალ. ბანძელაძის, გ. თოთიბაძის, კ. მახარაძის, ნ. მალაზონიას და რ. ცუცქირიძის მიერ.	

სარედაქციო კოლეგია: რ. ელანიძე, გ. ვარდოსანიძე, რ. თაბუკაშვილი, რედაქტორი რევაზ მარგანიძე, მ. ლებანიძე (პ/მგ. მდივანი), მარიჯანი, გ. ფოცხიშვილი (სამხატვრო რედაქტორი), ე. ქარელიშვილი, გ. შატბერაშვილი, ბ. შელია, ვ. ქელიძე.

რედაქციაში შემოსულ მასალები ავტორებს არ უბრუნდებათ.

„ПИОНЕРИ“ Ежемесячный детский журнал Центрального Комитета ЛКСМ Грузии. сентябрь, № 9, 1955. Тбилиси, Ленина, 14. რედაქციის მისამართი: თბილისი, ლენინის 14. 1 სართული. ტელ. 3-81-85. საბლიტგამი.

უფ. 06470 ტირაჟი 13.000 ხელმოწ. დასაბ. 15/IX გამოც. შეცვ. № 331 სტამბის შეცვ. № 1073 პოლიგრაფკომბინატი „კომუნისტი“





ქოსწავლეთა შექოქებება



ს ა ლ ა მ ი ს კ ო ლ ა ვ!

ბანაკო, გტოვებთ, მივდივართ,
თავს დაგვფრიალებს ალაში;
მხიარულ ტყეებს ვშორდებით,
მერხებო, ჩვენი სალამი!

დასრულდა ტკბილი ზაფხული,
უკან ზურმუხტი მთებია,
სკოლაში ტოლ-მეგობრები
და აღმზრდელები გვხვდებიან.

ჩვენი სიმღერა გუგუნებს,
ბანს მოგვძახიან ველები,
შორს, მეგობრობის კოცონებს
ოცნებით თავზე ვევლებით.

ისმის: დიდება სამშობლოს, —
გულში რომ შუქად ანთია!
ბედნიერ ბავშვობისათვის
მადლობა დიად პარტიას!

იკოლა ლლონტი,
მახარაძის რაიონის სოფ. შრომის საშ.
სკოლის მოსწავლე.

მ ო გ ო ნ ე ბ ა ბ ა ნ ა კ ზ ე

ო, ეს რა სხივები
იფრქვევა მალლიდან!
ნიავე მდელოსკენ მიჰქრის...
ჭადრებში თოვლივით
სპეტაკი სახლი და
თოვლივით სპეტაკი ფიქრი.

გულს თქვენი შრიალი
ახარებს, ველებო,
და წყაროს უხეფები წმიდა.
გაფრენა მწყურია,
ციცინათელებო,
მეც თქვენთან გაფრენა მინდა!

აღელდა კოცონი —
ვეება პატრუქი,
ძეწნები ირხევა მიჯრით.
სიმღერა, ცეკვები
და ტაშის ქარბუქი,
ოცნება ჭადრების ჩრდილში...

ოცნება ჩუმი და
ფოთლების შრიალი,
ტოლებმა მომხვიეს ხელი.
ამდენი სიმღერით,
ამდენი წკრიალით
დაშრება ლერწამის ყელიც.

ლიანა სტურუა,
თბილისის 24-ე საშ. სკოლის მოსწავლე.

უკრაინელი ბიჭის ნათქვამი

უკრაინიდან მოვსულვარ,
ო, როგორ მსურდა მენახე,
შენს მიწას ვეთაყვანები,
შენს ბაღებსა და ვენახებს.

მშობელ კიევში ვიყავი,
გორო, ოცნებით გხედავდი;
თითქოს შენს მზიან ქუჩებში
ღიმილს მაფრქვევდა ბელადი.

უკრაინიდან მოვქროდი,
დიდმა გზამ როდი დამალა...
მოველ და შენი დიდების
მზემ შუქი გადმომალვარა.

გვერდით მყავს მოძმე ქართველი,
ბელორუსი და ყირგიზი.
მკერდზე ალისფერ ყელსახვევს
მზესავით გააქვს გიზგიზი.

თითქოს კიევის ბაღში ვართ,
თვალს გვჭრის ყვავილთა ფერები.
ღბნით, ზეიმით შემოგვხვდნენ
ქართველი პიონერები.

უკრაინიდან მოვსულვარ,
გორო, მინდოდა მენახე.
შენს მიწას ვეთაყვანები,
შენს ბაღებსა და ვენახებს!
მიხეილ აბჟანდაძე,
სიმონეთის საშ. სკოლის მოსწავლე.

